



明齋先生集 十六

墓表  
墓誌銘

萬二千六

~ 16  
2376  
19





門  
號 2376  
卷 26-19

明齋先生遺稿卷之三十五

墓表

崔雲卿墓表

甲寅

崔君雲卿名曇海西鳳山人性戇直長身駢脅膂力過人丁卯之難爲虜所獲雲卿季甫成童中路逃歸謂人曰夜起見羣醜熟睡如羊奮拳可殺數輩而爲父母在以脫歸爲急不能試手也噤斷不已丙子與父母昆弟及隣里百餘人避兵於一石窟中忽虜兵大至以火燒而攻之一窟中皆號泣莫知所爲雲卿挺身獨出大呼直前奪虜槍擊殺當前者五六人虜





披靡北走雲卿歸語衆曰賊今敗去明必更來即夜  
移避他所衆賴而得全皆服其智勇九拙閱公晉亮  
督郵麒麟見雲卿而奇之教之讀書雲卿即委身師  
事之九拙好爲詩雲卿從之學未幾操筆成篇九拙  
大喜以韋刺史期之是時雲卿年二十八矣後六歲  
九拙爲恩山宰雲卿從焉於是始負笈來學于吾先  
君子之門初受小學志堅行苦布袴木牀終日危坐  
積百餘日足背爲之瘡胠自是一意向學行必拱手  
居無惰容每以生長遐鄉不得早就學爲恨間遊慎  
獨齋金先生及吾堂叔龍西先生門下皆被其獎異

焉既歸連喪其父母貧困僻遠竟不能再來以卒其  
業而切嗚呼惜哉其事親孝誠篤至其父嘗染癘危  
殆雲卿剗股和藥以進病乃愈一郡莫不感歎事聞  
命旌其閭給復不事雲卿恥之拔其棹楔而不受復  
後其母病又噬指血以飲之及喪負土成墳前後廬  
墓六季葬祭之節一遵家禮 孝廟賓天期季不食  
肉哀痛如親喪每與人語及中原沉冠履易置輒  
奮臂切齒不覺憤氣衝激蓋其忠孝之性出於天者  
如此平居澹泊不事產業菲衣惡食不以爲恥而鄰  
里有喪匍匐赴救嫉惡如仇好善如慾九拙好義氣



日齊通和 卷二十一  
其子周冕以黃海都事掌鄉試謂之曰崔某之詩尚不成一名汝必取之取崔某非私也及雲卿入場屋隱身不見使人呈試卷而出周冕終日物色之不能得其他行又如此崔氏系出慶州鰲山府院君自淵之後祖夢參直長父宗立訓練奉事母昌寧曹氏進士德潤之女雲卿生於癸丑歿於戊申年僅五十六葬于海州治東松岨丙向之原娶利川徐氏無子繼娶奉事金士胤之女生二男二女男長贊吉次瑞吉二女及贊吉二男一女皆幼雲卿之病瑞吉亦割其股九拙之喪隨喪往返千餘里無倦色又從吾友朴

和叔學蓋將繼成雲卿之志者也噫以雲卿之忠孝材勇得遇用武之時上之可以建節效忠流名竹帛下猶可以斬將搃旗以當一面顧不能一試泯泯死於牖下古人所謂才否一區之死無聲者豈不爲志士之於邑哉然能折節爲儒學變弓馬爲詩書至於窮老而無怨以垂其後人使之不迷於所向斯亦可謂豪傑之士矣豈足以功名爲輕重哉瑞吉請墓文余不忍辭略敘其本末俾歸刻之

司禦李公墓表 丙辰

慶州李公諱仁寶字孝思與拯先君子爲同榜進士



契義甚厚公子烜又學于先君子先君子之喪公操  
文來奠而去孤露餘喘抱病跼伏聞公之歿恨不能  
一哭烜累然縷經遠來窮谷以公墓表之記爲託願  
不能文辭其何忍謹按公世譜始於新羅以開國功  
臣謁平爲鼻祖冠冕奕世爲我東大姓高祖諱自琛  
成均生員 贈左贊成曾祖諱鸞 贈領議政祖諱  
惟一判官 贈左贊成考諱漢號良翁清名直節著  
光海昏朝卒官掌令 贈典翰妣平山申氏縣監吉  
元之女公以 萬曆丁未生季十二從良翁謫濟州  
甫成童盡受讀經史及還從李東岳安訥遊詞藝益

振儕流皆慕與之交十八丁艮翁憂廬墓盡制癸酉  
始登上庠未幾遭丙子之亂挈家歸鄉無復進取意  
至 孝宗壬辰有以經明行修薦者授南別殿參奉  
由司饗院奉事 宗廟署直長陞義禁府都事除新  
昌縣監其政務抑豪右而恤貧弱竟坐是遞復叙禁  
府都事歷漢城府判官儀賓府都事歸厚署別坐司  
宰監主簿掌隸院司評擬三曹郎者數四公爲官不  
務聲名唯隨遇盡職官罷則輒歸鄉所居蕭然庚癸  
屢急而日以魚鳥自娛別構小室於山阿植松與梅  
杖屨徜徉未嘗作歎老嗟卑之色晚爲翊衛司司禦



衛司罷即歸舊棲而時事一變黨禍大起則杜門燕居唯時仰屋竊歎而已乙卯五月卒壽六十有九葬于忠州柿谷先塋側千向之原公爲人方峻好義簡質無華早受庭訓喜讀古人書以此其守官居家黜有不合於古法者見人趨勢嗜利者必鄙斥之尤惡佞給小人故爲俗流所忌嫌嘗謂諸子曰吾所自期者誠不在苟祿而命與時舛卒無成就然吾之仕爲貧而已若少有希冀豐約之計則其何以遺汝等乎即此而公之所養者可知矣取友必以誠不以外貌與李承旨哲趙奉事國老有古人之交義焉配金氏

亦籍慶州莊而有法略通書傳其考曰元亮佐仁祖靖社以布衣直拜持平爲賊臣自點所陷枉死非罪夫人銜恤終身先公卒而耐葬焉生五男二女男長曰烜不勝公喪有一子廢疾以公遺命立弟子某爲嗣次曰炯進士有二女次曰煜先公夭有男女各一次曰炳亦有男女季即烜有一男皆幼女長適郡守李志雄有四子世璜世球世瓘世瑛二女尹揆尹燭次適士人曹一夔噫公以名父子植志行具文質宜得位展布以顯其世而乃浮沉冗黻窮約以終豈非命也然安分守身不以自外至者爲欣戚入歎其



屈自樂其適蓋薄於祿而厚於德者也服訓勉學嗣  
立公門以承公未食之報者其在後人歟其在後人  
歟

叔父參判府君墓表 丁巳

先生姓尹氏諱文舉字汝望考諱煌官大司諫號八  
松妣貞夫人昌寧成氏牛溪先生諱渾之女先生以  
萬曆丙午生幼沉靜溫潤見者稱爲玉人 崇禎庚  
午中生員癸酉登第被翰苑薦固避不就由注書說  
書陞正言時丙子秋也啓論和議之非移禮兵曹佐  
郎多扈 駕入南漢山城廟議欲執送斥和臣以謝

虜人松府君自奮請行先生上疏乞以身代適有救  
者得俱免 上還都復兵郎連拜正言修撰校理並  
辭戊寅以巡檢使從事按行三南舟師己卯丁八松  
府君憂廬墓三季服闋卜居于錦山峽中以修撰  
召不赴癸未赴提川縣監乙酉棄歸丙戌有潢池之  
變先生先知之使人告官捕殄以勞陞通政階辭不  
能免戊子丁成夫人憂廬墓如前喪服闋再除承旨  
辭除東萊府使時倭情異常中外憂危先生入京謝  
命赴任既至繕學校撫兵民新忠烈祠隱然爲保障  
計未幾爲奸究所搖就勘奪職先生仍復還鄉守初



白江李公敬輿以廉潔守靜薦先生 命特敘連拜  
承旨戶刑工曹參議慶州府尹皆辭甲午拜吏曹參  
議先生上疏辭略曰臣父故臣某在 先朝自丁卯  
至丁丑終始執乎一義至入地而不化臣誠愚騃妄  
襲父論今或值朝廷乏使擬臣於燕价則臨事苟避  
分義不敢欲遂承當有違父道將何面目復見亾父  
於地下此臣所以甘心自廢而不知反者也 孝宗  
優容之遞拜大司諫又辭是冬忽得末疾自畿莊昇  
歸湖西自此一以病辭連拜大司諫吏曹參議大司  
成副提學又 命內局賚以藥物己亥 孝宗昇遐

先生自載入京哭于闕門外 顯宗嗣位遣史官慰  
諭陞拜大司憲先生不敢當三疏辭遞以 上勉留  
勤至不敢徑歸明年庚子過 國練上疏乞骸不許  
遂留疏而歸此後不復動矣拜大憲者十五大諫者  
三更曹參判者五間以同知經筵 世子賓客召又  
連降 別諭召之或乞言焉先生每拜疏辭謝壬子  
十月二十八日考終于先墓下齋舍訃聞特 贈吏  
曹判書給喪祭需及助墓役夫以癸丑二月葬于尼  
山縣南葛山甲向之原北距八松府君墓十里而遙  
世系先德具載其神道之碑焉先生資稟篤實而受



訓家庭專用心於內故自存諸中以至行於身而接於物者一以真誠爲本無一毫外假之意慎獨守約之功老而匪懈德愈崇而禮愈恭身益卑而道益尊輝光發外有不可掩者德器天成凝重寡默人望而畏之然仁心懇惻藹如也平居退讓若斷斷無他而中蘊陽剛發無疑難靜而制動明而有威事無大小遇之沛然孝友忠信正直清儉乃先生之實行也心量洪曠雖德積於己才周於物而未嘗有矜喜色好善樂義唯日孳孳至於服食居處奉身之物與夫名利之私文詞之末寵辱之外至者舉泊然不以爲意

自八松府君喪畢之後無復有當世之志中間有堤川東萊二行則蓋亦有義也 孝宗末季必欲強起之朝野實歸以公輔之望而先生竟不出然憂國一念食息不忘愍時病俗畏天悲人有時通昔不寐此又先生行止之大致也噫先生德行在躬而業未展經綸充養有道而壽未躋期頤有先憂無後樂而冲挹以終身一係於時一存乎命嗚呼痛哉貞夫人平昌李氏宣教郎瑒之女吏曹判書翼平公季男之六世孫也性端正安和事父母孝事舅姑誠事君子敬處族姻順以愛養子女慈以教慎於祭祀勤於蠶績



閩內之行悉合女則生於丁未十七歲歸于先生先生二十日而卒同塋而葬三男五女男長曰搏有至行不幸外除逾季繼歿次援天季掄女長適李舜岳別坐次崔世慶縣監次別坐李顥次士人沈楷季俞命興搏有二子曰殷教周教二女皆幼掄一女婿曰李宜華外孫男女二十餘人先生卒後六季丁巳掄豎石墓前使拯識于其陰嗚呼先生有不顯之德有不運之功措紳服其義章甫誦其化以至宗族鄉黨莫不愛而敬之雖百世之後必將聞風而宗慕之不衰矣小子何敢置一辭於其間謹泣記其椁槩俾

後人知先生衣冠之藏在是云

司宰監僉正 贈左承旨成公墓表 戊午

公諱櫟字子久姓成氏其先昌寧人高祖思肅公諱世純曾祖聽松先生諱守琛祖牛溪先生諱渾考滄浪先生諱文濬滄浪公克承先業 仁祖初元徵拜六品官將處以臺憲公執謙求外得永同縣監歸而卒以季子櫻貴 贈吏曹判書妣咸安趙氏主簿堪之女休庵白忠肅公之外孫賢有婦德內治甚肅公以 萬曆庚辰六月廿二日生容貌豐偉氣度沉厚受業家庭不煩程督牛溪先生嘗答書而勗之曰弱



冠之季不事浪遊而誠心求學可謂我家文獻遺風不絕矣庚子除齋郎不就 仁祖癸亥春除水運判官乙丑陞司僕主簿丙寅丁滄浪公憂服闋復軍器主簿除新寧縣監恪謹奉公治效著聞秩滿而歸乙亥除刑曹佐郎歷 宗廟署令移工曹正郎丙子冬扈 駕入南漢山城既出即急收本曹器用諸具無所遺失人稱之時母夫人季高避兵寓嶺外爲僂養求爲高靈縣監未幾以公格遞庚辰由刑佐遷社稷署令辛巳除清安縣監連值飢歲約己餼殘壬午母夫人卒奉櫬還坡山時公季過耳順執喪如禮服闋

除刑曹正郎移翊衛司司禦乙酉秋除兔山縣監居半歲病免尋復司禦遷司宰監僉正辛卯五月五日卒于京第壽七十二葬于長湍治東社堂洞向卯之原以曾參寧國從勳 贈左承旨公自少濡染庭訓以不自欺心爲主平居早起正衣冠謁家廟素尚儉素居處飲食有人所難堪者而怡然安之居官先公後私絕無營爲故罷歸之日屢空依舊唯貧窮親舊有婚喪求濟則必爲之盡心焉平生最惡浮華務外之習晚季以鎮浮自號可見公志也配全州李氏贈淑夫人完興君幼澄之女事親奉祭皆盡誠敬先



公七年卒無子女立季弟知事公稷之仲子熙胃為後仕為漢城判官生四男二女男至行至敏至遠至粹敏進士婿沈楷吳遂相公與我先君子為內外兄弟判官樹碣墓前命拯記于其陰拯不文謹書公始終及實行數事俾刻之顧其不能文亦庶幾遵公不欺鎮浮之旨云

從兄修撰公墓表 庚申

我坡平之尹以高麗太師諱莘達為始祖世有名德十四世而至昭靖公諱坤入我朝又四世而至左尹公諱倬當 中宗己卯為太學之師左尹公之孫諱

暉 贈左承旨寔我高祖考也始葬于尼山縣西接枝之山子孫仍家焉曾祖考諱昌世 贈吏曹參判積善累仁以貽後昆祖考諱煌大司諫闡而大之重立門戶以承左尹公之業伯祖諱燧竹山府使 贈都承旨無適嗣以大司諫府君第二子諱舜舉為後即我仲父童士先生也先生繼述志事設鄉約立宗法為政於家鄉官止司憲府掌令後以仲子貴 贈吏曹參判成均館祭酒侍講院贊善我尹之居尼者以文行忠信稱於世由三世之教也公即先生之長子也諱哲字子章妣咸平李氏觀察使春元之女以



天啓乙丑十月三日生公自髫髻時人皆曰稱其家兒也資既粹美幼成庭訓惇行孝悌勤謹自飭既長能內幹父蠱外率宗人敬恭禋祀講修禮式經紀墓田守護松楸靡不盡誠先生篤於親舊吉凶問遺常若不及公先意順旨至於斟酌損益又皆曲盡厭足人心才周事辦不見其難一門大小咸曰克家先生可無憂矣不幸短命先先生歿我先君子爲之誄以悼之蓋公季二十四登上庠除 昌陵齋郎三十六擢大科卽薦入史局爲檢閱已而陞成均館典籍遷兵曹佐郎以倭人接慰官赴東萊拜司諫院正言辭

選玉堂拜副修撰 召命下而病不起矣公釋褐纔三歲雅望傾朝世方以遠大期而奄忽中道朝野莫不痛惜先是公丁內憂得胃病及到變館爲水土所傷疾遂作人皆危之而以言病爲嫌不肯啓聞臨終謂左右曰死生有命不足恨但奉 命未竣有老親而不得相訣以此爲恨耳卽壬寅八月十七日也返葬于先塋傍麓向酉之原公爲人剛正尚質實賤浮華先行義後談論臨事不避與人以忠取捨有方譽毀不苟又器足以適用量足以容物拯公從弟也齒差五歲少同學長同好久而知其不可及然後乃心



服公常以爲公入能亢宗保族長有令聞出能奮庸  
措業爲世蓋臣蔚然爲家國之光矣天奪之速嗚呼  
哀哉配南原尹氏校理集之女有四男一女女適進  
士權相夏而夫男長道教次德教智教仁教皆有男  
女是能不忝所生克趾公美以膺公不食之報也耶  
不能無望於陰隲也銘曰 嗟惟我公魯丘小宗  
質有其文孝可爲忠 亦旣立揚庶篤餘慶 不幸  
止斯奈何乎命 尚有典刑子孫是式 勿替以引  
視此墓石

通德郎邊君墓表 壬戌

湖南邊君倬卽故望庵公諱以中之玄孫也嘗訪拯  
講叙世好余見其端詳雅飭固心敬之一日過余若  
有所謁者顏色哀感使人動心良久乃言曰倬天地  
間一罪人耳生未三旬而先君棄背九閱月而先妣  
繼歿祖母收而育之及成童祖考撫之泫然曰汝不  
記父母容貌何能識其志行汝父天資寬和自幼不  
好雜戲平生無疾言遽色在親側叱咤之聲不及犬  
馬鄉黨宗族莫不稱之汝母自入吾家事舅姑以禮  
及喪所天以死自期姑執粥飲以強之一啜而已倬  
伏而涕泣祖考慘然而止倬嘗臨祭自痛曰父母儀



形子不得覲父母事行子不得識齋之日雖欲致著存之誠何可得也外祖金公聞而喟曰汝先君志操介潔容止淳謹未嘗見喜怒其天稟然也汝母自少聰慧穎異年九歲試教以諺書未崇朝通曉無礙以諺解小學三綱行實教之讀誦不怠處身行事頗遵而效之逮于晝哭不知上事俯育之爲宜而必從於同穴者豈非過於中道耶遂於邑不已恸亦悲咽不敢更問未幾外祖卒祖考後九歲下世而常以提起貽憾爲懼終不敢詳請其平生事實泯泯以迄于今此實不肖孤昏愚不敏之罪也然若得當世君子之

一言以表于墓道使後人知之則庶有以少慰終天之痛矣願吾子之哀之也拯亦幼喪所恃常抱至隱聞其言不覺含涕噫人有此淑質又得令配而顧相隨天物不得成其德美何其不幸之甚也然其歿俱未免殤年而有子傳世乃能發其幽光又何幸之大也其事行雖不多而亦可略見其爲人矣唯余言之不足以久傳是媿其何忍拒之以重孤孝子之意乎遂悉書其言俾歸刻之而按其狀君諱世機字汝專蔭階通德郎其先黃州人其考曰友益司隸主簿其祖曰喜胤卽望庵公之次子而紫霞公慶胤之弟也



其妣曰綾城具氏義中之女其妻義城金氏則處士  
晉吉之女也處士自少不肄舉業嘗讀小學家禮及  
四書循環不輟曰處心行己之方皆具於是何必博  
觀蓋女之賢有自來也君與金氏皆以 天啓壬戌  
生歿於 崇禎庚辰合葬于長城府北三面貞洞負  
坤之原休娶僉知吳以武女有一女適士人柳壽坤  
再娶李滌女生三男二女幾絕而續將以蕃衍豈非  
天也立揚顯親益篤其慶非可以他求也嗚呼其尚  
勉之哉

牙山縣監

贈左承旨金公墓表

癸亥

公諱海壽字溪源姓金氏其先光州人有諱成雨始  
居于保寧青蘿洞子孫因家焉高祖克堅生員曾祖  
隣輔祖忠恕考應天 贈持平妣安氏璐之女貞懿  
公塘之曾孫公以 萬曆辛巳生 仁祖丁卯之難  
沙溪金文元公為號召使以公為數邑倡義官仍薦  
為社稷署參奉陞司饗院奉事尋罷某季差 國葬  
都監監造官陞活人署別提拜青山縣監後又為牙  
山縣監庚辰三月二十二日卒以嘗有原從勳 贈  
左承旨公少學于李鳴谷山甫從其子慶倬遊及長  
遊文元公之門與鄭崎翁弘溟為知己友居家孝義



明齋遺稿卷三十五  
居鄉斥邪守正不顧禍福居官清慎仁慈爲國有誠  
忠愛過人事行具載于顯刻夫人龍仁李氏監察貞  
敏之女生一男四女男曰榮後參奉婿曰僉使趙時  
亨佐郎尹坵忠義衛李後泰府使閔昇參奉一男三  
女男曰汝南僉知婿曰郡守朴泰長士人具文海金  
斗星而泰長之子弼成錦平尉參奉公具公墓碣未  
暨僉知君又營立短表於墓前欲撮公本末大略刻  
于其陰以屬拯不獲辭謹爲之識

處士權公墓表

癸亥

夫墓有碣欲使人知之也如公者生不求知於人况

於身後乎然則表其衣履之藏而不忍其潛德懿行  
之終泯於後世者其唯子孫之孝心乎謹按公諱正  
己字謹之姓權氏其先安東人文正公溥之後工曹  
參議諱齡尙州牧使諱博 宗廟署令諱德裕吏曹  
判書諱克禮其高曾祖禰也妣大丘徐氏參議固之  
女公以 嘉靖壬戌六月廿九日生幼成若性甫十  
歲己以禮法飭己稍長見世人之不務實踐專事交  
遊者心陋之常處靜室玩心墳典庚寅丁外憂辛丑  
遭內艱過毀幾不勝公早有晦遯之志及是捨棄舉  
子業結廬于文義縣荆江之上老山之下爲終焉計



屋僅容膝不蔽風雨有時不炊而晏如也兄弟族人或悶其貧而勸之仕則曰人各有志無相煩與鄭恥麻瑄隔水爲友清風朗月一棹相就窮研道義暢敘詩酒樂而忘憂焉季僅五十終於 萬曆辛亥九月廿六日葬于楊州治北泉川里午向之原公居家內外如賓教子必以小學嘗曰不願汝做官只願爲善人又曰人之過惡耳尚不忍聞况自口發耶居鄉不入官府不觀漁獵不到聲色之場隣里生日之酌其人無父母則雖邀之不赴一畝一指不令幸漏於征役曰事雖細亦欺國也士夫居鄉圖免官徭非武斷

則苟簡皆非道理也其爲學以存誠爲本而窮理爲務於性理蘊奧淡有契悟雖以公弟晚悔公之儒術亦推之至於州縣郵驛軍民賦稅之法靡不講畫伯氏僉正公歎曰以如此之才不肯用於世世亦不能知惜哉臨終戒其子曰近來風水之說必以新卜爲孝吾意不然葬我先壠必無違也又曰吾平日不喜苟且引葬慎無夤緣借官力祭奠稱家有無慎勿求於人也又指庶子輩曰萬物各有其分一忘其分便是爲惡嗚呼此公言行之大略也豈但爲其子孫之法而已配溫陽鄭氏之臨之女北窓先生礪之孫亦



賢有行壬辰避兵跋涉累日足為繭拆而常踵姑夫  
人馬後不離跬步食息不敢去姑側姑憫且憐之曰  
倉卒女子自持之道當如是也以 萬曆戊戌四月  
廿日先公卒距生季丙寅九月八日亦僅三十有三  
歲耐葬公墓男長訂次諱訛訛女適鄭河應曰譙  
淋講李時俊妻南宮燿妻側室出也訂早歿無後譙  
出後公之從兄郡守成己有子悟魁文科官直講女  
沈翊庶子恪恰悟子以時以經女鄭錫后平市令錫  
男女曰恢愷恆鄭適金鼎寶鄭時明而愷為訛後恆  
為訛後恢子以規以矩女尹尚績教官崔來華朴尊

一愷子以得恆子以運以亨以昌女李紀李震遂季  
幼鄭河應女李天如尹海李惟復譙亦早死淋男慎  
忻慎出後族父察訪說女裴時昌李東相金南最講  
男快悌悞女吳振溟金兌孚李繁快與兌孚武科玄  
孫及外出不盡載拯少遊炭翁先生之門翁公之從  
子也因而獲拜萬松居士即公之叔子諱訛也居士  
隱德甚高每候之如入蘭室焉今公之孫恢豎石于  
公墓以居士所託公遺事示拯俾書其陰拯受而閱  
之始知居士之篤行無求蓋其家庭之所傳也拯誠  
知居士之言不誣從而次之可無媿矣而只媿拯學



明齋遺稿 卷三十五  
淺文陋不足以闡幽以副居士與賢孫之孝心也銘  
曰 名不顯揚德無所貶 後多天闕理則可歎  
我篆斯石庶發其掩 尚有餘慶來者無忝

昌平縣令金公墓表

癸亥

公諱庠字載卿姓金氏延安人八代祖諱濤 洪武  
三年賓貢登制科 宣授安丘縣丞二季而歸國官  
至密直提學節行顯于世縣令諱瀚經歷諱光頤縣  
監諱德源承訓郎諱世亨即公高曾祖禰也承訓公  
出後伯父郡守 贈左承旨諱德潤妣忠州朴氏縣  
監軸之女公生於 萬曆己亥十二月七日 崇禎

乙亥登上庠戊寅除肅寧殿參奉其後歷官青巖道  
察訪尚瑞院直長造紙署別提司憲府監察歸厚署  
別提義禁府都事軍資監判官昌平縣令司圃署別  
提聞慶縣監終於己亥十二月七日公爲人寬和重  
厚事親謹接人恭居官勤在青巖承 孝廟褒諭若  
曰觀監司狀爾治行盡心所事充其闕駟復其廢驛  
可嘉特賜爾馬一爾其受之昌平古有李侯穆之碑  
一公之歸也邑民追思立石成雙歸自聞慶大司馬  
鄭公致和至戲之曰新去官何無一席與客坐此足  
以見其槩也少時於光海朝從士友抗章請誅爾瞻



族人趨羶者啗以利拒之早有植立亦如此云配  
安東權氏貞翼公徵之孫參判怙之女襲訓名家壺  
儀甚備甲午六月廿六日先公卒享季五十七三男  
長宇一次宙一進士次宏一四女長適尹海舉次姜  
世鳳次朴世樑縣監季趙持正郡守宇一男戡戡戡  
戡戡弒女尹舜卿李練朴最胃宙一男歲歲歲茂女  
朴弼殷餘幼宏一男戡曰尹撝採提揀揆扶摛李鼎  
夏曰姜達李命周曰朴泰範李相仁沈若澄外孫男  
女也扶進士相仁縣令內外曾玄總七十餘人公初  
葬公山辛酉二月改葬文義縣西薪谷鄉負坎之原

權氏附其左宙一是我叔父庶尹公婿自弱冠從遊  
相好將暨墓表使子歲來俾為之記知拯之文拙而  
見屬者為其能記實也不容辭謹最其狀而書之

甲山府使白公墓表 癸亥

公諱賢民字景由水原白氏也其先有景臣高麗侍  
中天臧政堂文學政堂四世孫效參持平 贈都承  
旨寔生禮賓副正 贈禮曹參判諱思粹公之高祖  
也曾祖諱益堅王子師傳 贈吏曹判書祖諱仁傑  
左參贊諡忠肅號休庵考諱惟咸承旨妣慶州金氏  
縣監錡之女公以 萬曆癸未生少值亂失學遂業



明齋遺稿卷三十五  
弓馬光海昏朝廢不赴舉甲子登武科歷宣傳官都  
摠都事經歷加里浦僉使訓練副正乙亥陞折衝爲  
阿耳僉使富寧甲山府使僉知中樞府事咸安舒川  
郡守其爲宣傳也值丁卯胡難承命宣旨於安州  
守將旣入胡騎滿城外公決圍南馳躍馬度斷橋追  
者不能及復命於江都行在 上嘉其忠勇又命往  
督兩湖舟師在加里鎮繕器械治戰艦有勞 特賜  
表裏以獎甲山府舊以校生守堞公至罷之爲選廩  
三十人而擇師教之朔望必躬謁文廟觀其講誦府  
人自此頗興於文辛卯歸自舒川不復求仕家居數

季而終甲午十二月二日也葬于興德縣一東鄉新  
兆午向之原公爲人嚴毅簡率未嘗修飭不以貨利  
生產經心服食任其麤素逐日早起盥櫛衣冠至老  
不懈一如書生不喜與人權謔言人過惡對人雖卑  
賤未見有傲惰之色御家衆嚴居官清而簡又未嘗  
足至權要之門延平李忠定公嘗稱之光海時寓居  
興德有參靖社謀者謫在同縣密語公共事公不應  
亦不洩其人甚敬服之此皆公之實行也淑夫人聞  
慶宋氏同知鷓之女溫惠有婦德以庚申七月十三  
日壽九十二而終葬于公墓北百步許男長弘濟次



弘胤弘源女長適南式寧次察訪宋有光曰弘秀弘亮金益燧妻側室出也源生員亮武科折衝弘濟男曰光璋側出光玳光 光 弘胤男女曰光珩光瑞金後光鄭齊賢側出光玉光璧光珣光琢許疑一幼弘源男女曰光瑚光瑤光瑄光著李賴李弘榮李湜曰光錫李世賢金楚賚崔時聖弘秀出也曰光 光 林光涑弘亮出也曰南璟李領曰參奉宋曇昇郡守李宇恆李思兼曰金萬達萬遠羅以星宋後昌洪 外出也曾玄不盡載光瑞學於先君子拯自少視為畏友以其親命命拯記公墓表不獲辭謹最其

狀而書之

鄭君晚昌墓表 乙丑

嗚呼此延日鄭君晚昌之墓也君生稟異質顏如霽月眼如曙星宵襟灑灑如清冰無一點塵慕古志學卓厲不羣有類於聖人所謂狂士者不幸短命二十四而歿師友哭之者不自覺其慟也君諱普衍晚昌其字也松江相國之曾孫府使諱宗溟之孫抱翁諱瀆之子也妣全義李氏某官言惕之女君以 崇禎丁丑正月廿八日生於江都海上之舟中是時抱翁及李氏俱遇賊自刎俱以刃未及喉而甦僅僅有一



明齋遺稿卷三十五  
綫之息而君生焉豈非天也既墮地風雪交作母子  
暴露經兩日夜故無恙意者天若生之而竟無所成  
就中道而隕之是何理耶歲丙申余與君始識於尤  
翁之沃川村居君以親命自太白來學已有月矣聯  
枕兩宵而別明年丁酉又會于橋山精舍即尤翁墳  
庵也同處旬月君氣象甚好請益之暇撫松長歌傍  
若無人意寄超然可愛可尚自言嘗過陶山書院值  
諸生多會以程子巾入謁廟庭有駭而詰之者答謂  
退溪先生服淡衣而以幅巾類僧巾代著程冠今以  
此謁先生無乃可乎言者不能難云又言太白山中

可隱居考槃嘗往採辛甘草擔之滿肩徒行四十里  
云其行事絕俗類此臨別余以柔克沉靜相勉君喜  
受之庚子復遇於蘇堤則君已病矣而志氣如平日  
竟以是歲六月廿四日歿越三季壬寅余哭君之墓  
於閔氏之山而弔孤寡及抱翁於東海之上至今數  
十季每鄙吝萌于中未嘗不思君而愴然也君娶驪  
興閔氏參議光勳之女一男曰洵一女適李徵夏洵  
與李俱有男女天之所以生君者其將慶發於斯歟  
洵以尤翁所撰君墓誌及抱翁祭君文來請記表陰  
嗟君之平生趣操誠孝至行尤翁之文盡之矣其曰



君雖高明而猶昧於文字雖清曠而猶篤於人倫雖或峻厲而慈愛於物甚淡雖自信之篤而聞過而改甚勇斯皆實記也復何容贅又讀抱翁所謂自汝省事每事咨處待汝強輔期以寡過之語爲之隕涕遂略敘余之所心識者如右以爲此亦可以見君之槩也獨君臨歿顧語以游屬余而余旣病罄窮谷游亦零丁多疾至長而迄不得相聚此爲負君之託而今又迹阻橋山平日相期者盡歸虛地九原可作君必喟然於斯矣抑誌文載君之言有曰心有不善掩護之使人不知甚不可也又曰心有所疑而畏人非議

強以爲是是心與口相欺也噫使君而在日講此義於師友間則庶乎不至於此境乎否君之精爽昭森如在彼此方寸洞然可照縷縷於石末者君其知我之心也耶噫抱翁卒葬於堤川縣月林里移君之窆而從葬焉洵甲子進士余憐其聾病用昌黎意告之以耳之聾無害於心之明勉其力學自立以承君志未知此可以萬一副君之所托也耶噫

萬松處士權公墓表

丙寅

萬松處士權公諱誥字叔訂安東人文正公溥之後吏曹判書克禮之孫考諱正己號穀晦含章不仕公



繼其志閒居味道無慕於世以終其身妣溫陽鄭氏  
北窓先生礪之孫女也公以 萬曆丙戌四月六日  
生幼聰穎工於文而敏於言穀晦公戒之曰君子之  
學德爲本才爲末公瞿然受教即日變佞爲訥棄華  
就實穀晦兄弟深歎美之以爲變化之勇雖仲由未  
過也十三丁內艱能血泣從禮辛亥穀晦公卒始疾  
也公適在遠心動遽歸如庾黔婁廬墓致哀服闋仍  
謝絕世事閉戶守靜日必晨興謁家廟退以黃卷自  
娛研窮理義踐守繩墨居家則享祀潔誠友睦篤至  
不言躬行妻孥從化居鄉則不迹官府不撓征役和

敬接人物無所忤其外藹然可親而其中確然以定  
其德充然可尊而其心退然以卑至於世俗所謂名  
譽利祿衆所競趨者泊然不知爲何物也晚季鰥獨  
窮居人所不堪而委分安命未嘗有戚戚之色 崇  
禎壬辰四月廿一日終于家疾革遇先妣忌辰命姪  
子行祀而使侍者扶其首向祭所加衣冠於身上跪  
伏而哭祭畢乃卧翌日而逝一息之存誠敬不憚如  
此堂弟炭翁先生哭之以文曰白首幽貞終保无咎  
此乃公實德也以其年九月葬于楊州泉川里先兆  
丁向之原孺人完山李氏先葬而祔其左李氏亦柔



明齋遺稿卷三十五  
和謹敬其歸公也其考漑書訓戒之辭以授之一遵  
無違親戚取法焉亦以丙戌生卒於乙酉公無嗣以  
弟子愷爲後愷子以得并早死以得一子命徵生一  
男二女幼拯少從炭翁門下屢得拜公於儒城村舍  
蒼翠繞屋一塵不到卽所謂萬松者也髮華顏韶語  
笑怡怡心竊敬慕之其歿也哭之以哀詞後三十五  
季丙寅公之從子恢與命徵治石表墓俾書之不獲  
辭謹略叙始終嗚呼言有省而不敢浮者懼傷公謙  
德也唯庶幾使後世知此宰如之丘爲古隱君子之  
所藏云爾

俞生敬墓墓表

嗚呼我市南俞先生仲子曰命弼直甫有美才懿行  
不幸三十而歿厥有一子至性類其考又十八而夭  
其名敬墓其字德輿其生以庚子而其歿則丁巳四  
月九日也始生明秀先生鍾愛之五歲能讀書有時  
竊問書義長者或難其答十歲喪考哭泣拜跪之節  
如成人新物之未薦者不先食舊筭所儲如文房之  
具亦以其手澤之存也不忍輒用旣畢喪晨夕謁祠  
堂人稱之曰兒而如此信其有至性也又肆力於學  
期振家聲常閉戶劬書人罕見其面丙辰三月娶婦



于尼山十月再至而感疾及丁巳春轉篤母閔氏自京來救雖自知其危而恐憾慈懷略無悲苦之語疾革不忍在母側託故移外處母於壁間窺之輒擁面流淚請去乃已臨終謂其從兄相基曰吾今死矣吾未能安厝亾親兄亟遷之仍葬我其側又曰家廟在遠恨無路拜辭也且曰兄且入以慰吾親也言訖發聲以哭既絕終日不瞑蓋以棄母而死爲結痛也幼性端亮志遠行醇天之畀賦固異於人而又生於德門藉其餘慶意其必能成立以承直甫未食之祿矣而乃奄忽短折又絕嗣息是何天道耶妻尹氏卽我

再從弟擇之女也早喪其母及笄踰季而寡亦可哀也相基以其叔母之言告余曰有如吾兒之行而寧可使泯沒耶余於其葬也操文以送之重悲其言又爲之銘曰 吾師之孫吾友之兒吾弟之婿 何才之良何志之美何奪之遽 愛之哀之文以銘之庶使後世而知汝

李龍叟墓表 已巳

君諱玄老字龍叟我 太宗大王子敬寧君祚之後高祖希誠效力副尉曾祖彥光僉知祖諱培根有孝行母卒父後娶以居公在別舍夫婦服勤效其忠養



我仲父童土先生嘗亟稱之考諱德揆與弟百揆友  
悌淡至奉母同居終身不分異常怡怡如也妣懷德  
黃氏縣監錫男之女君生於 崇禎庚午某月某日  
歿於丁卯十月三日得年僅五十八屢舉於鄉而竟  
不中晚登薦剡未及試一命而終知君者咸惜之蓋  
君幼性馴謹長益沉密事親盡職喪祭皆致誠焉平  
生不敢慢惡於人亦不妄與人款狎以此未嘗遭迂  
言於人聞人有毀己者未嘗自辨亦終不色辭於其  
人家素貧節用務本以致羨既又賙窮振乏無所靳  
君身長九尺髯垂過腹膂力絕人平居無疾言遽色

待僮僕不施箠詈而不情不欺村氓之號暴頑者亦  
無不柔服皆有以得其心而馭之有方故也噫君有  
行有才器可適用而終無以自見於世季又不及下  
壽其命矣夫以明年某月某日葬于尼山縣東某鄉  
某向之原君娶南陽洪氏察訪某之女不育繼娶咸  
陽朴氏士人相之女善婦功謹賓祭內治甚整生二  
男二女男曰漢弼漢翊女長適金鳳九而天次未行  
君與我家世居尼山之西村爲同閨君之先公又先  
人之同庚也先人以其昆弟好善特親厚之君以是  
自卅角時受學于先人盡讀經書因以遊慎獨齋金



先生之門將有成就矣不幸邁疾中廢訖不得如初志焉初先人之居美村遠近學者多歸之君與我堂兄修撰公勗鵲泉書齋以處之而常爲之主一時士友如宋子文羅顯道趙士威白文玉諸人皆重之君少我一歲而長於舍弟推二歲及吾家子敬養一皆情如骨肉然漢弼治石樹墓表請記其事行于其陰而俾舍弟書之嗚呼此猶足以使後世知爲善人之所藏也耶洪氏葬于公州南發峙之原君之先妣之塋也朴氏亦以君歿之歲某月某日先君而逝距生年干支爲幾歲與君合葬而祔于左云

閔君仲基墓表

余嘗悲俞敬基之早夭爲之屢出涕焉今見其舅閔君家狀亦何其不幸也蓋君以甲辰八月生而丁卯七月廿日亡娶海平尹氏生一女而無子其得年視敬基加數歲而美質無成嗣息又絕無不同也吁亦悲夫君名仲基字成仲海州牧使諱燾之次子也妣完山李氏君自幼不離親側遇親濟輒憂形於色稍長左右服勤終日無惰容牧使公常曰此兒之孝乃至性也牧使公寢疾累月在牀褥君一心扶持夜不解帶疾革沐浴跣足禱于家廟見者下淚居憂一遵



禮制三季不脫衰經服闋未踰季而歿臨終婦人在  
傍號泣而無一言唯呼天若告訣於慈顏者三君之  
於孝真可謂至性矣六歲受書不煩課讀家中時有  
禮事會聚膠擾之中猶端坐一隅誦習不輟族黨莫  
不稱歎甫成童博通經史尤好尚書孟子讀至千遍  
然其志不專在舉子業每整襟危坐潛心究蹟至忘  
寢食其病也猶手不釋卷直至一息將盡而後已其  
篤志如此平居無疾言遽色喜愠不形於外口不言  
人短處待人接物務盡誠慤且性寡嗜慾常澹泊自  
守此皆狀中所稱也君窆于通津文殊山南麓子坐

之原從先兆也君之兄伯基哀君之志業不得成就  
既自爲之狀又欲樹短表墓前冀以不至於堙沒其  
情亦憾矣而君之友愛之實於此亦可見矣是爲之  
銘銘曰 有質有文有志有行 苗而不秀奈何乎  
命

昌平縣令李君墓表 丙子

君諱泳字汝涵延平府院君忠定公諱貴之玄孫領  
議政延陽府院君忠翼公諱時白之曾孫也祖諱忻  
同知敦寧延昌君考諱相胄進士妣豐壤趙氏浦渚  
文孝公諱翼之女進士內外俱有美質早世無嗣君



以進士弟諱相胤之子爲之後焉生母曰陽川許氏  
參判啓之女以庚寅三月二十日生自幼氣度厚重  
忠翼公淡器之在髫齡並喪怙恃養於祖妣夫人與  
姑姊妹諸從共處一室未嘗有違言忤色咸曰如君  
之仁恕忍默雖九世同居可也每值生日輒愴感却  
饌不啜平生於居處服食不求華靡亦以夙抱永感  
不欲以平常自處也既幼孤失學而文才筆畫人多  
稱之歲戊申慨然負笈從外舅于關東下帷未幾重  
患阿覩之疾遂至廢業每自歎咄辛亥持祖妣喪服  
闋有 特教錄用忠定公後甲寅拜 厚陵參奉時

年二十五歷禮賓寺奉事軍資監直長陞通禮院引  
儀兼都監郎廳辛酉拜新溪縣令君曰吾以先蔭官  
忝字牧若墜家聲何顏入家廟夙宵一念唯便民是  
務丙寅秩滿而歸丁卯丁曾祖妣黃夫人憂旣免喪  
除司宰監主簿尋爲昌平縣令加意學校之政勸課  
有效辛未歲飢賑貸以誠民不流散邑有山倉儲軍  
餉米飢民願受食君報于方伯方伯許之分給已而  
備局以軍餉爲詰而方伯不自首實君不欲歸責於  
上司遂自當編配高陽君前自新溪歸也邑人立石  
頌德至是一境追慕又處處磨崖以銘之壬申九月



十四日以疾卒于謫所壽僅四十有三君性恬靜不事交遊雖歷官京外而足罕蹈當路之門筮仕廿年官止黑綬終坐非罪而又不得季人莫不惜之淑人青松沈氏府使益善之女洪學士翼漢之外孫也生於己丑十月十一日有淑德懿行家世清貧悉心經紀晝夜靡懈烝嘗如禮育子女御婢僕皆有法度門內稱其賢以甲子十一月十九日卒于新溪衙舍君初葬于公州挂城山忠定公墓側淑人祔其左明季癸酉十月改卜其左麓壬坐之原移而合窆焉有二男二女男長命熙娶參奉韓濟愈女生一男次命新

娶司諫尹誠教女女長適鄭赫先生二男一女次適宋秀東命熙具石表君墓纒絳來請余記之又使命新致懇累年不已余以老病辭不獲謹最而書之文雖陋使後人知爲忠定忠翼適孫之墓云爾

十四代祖文顯公墓表

嗚呼此我先祖高麗三重大匡守僉議政丞右文館大提學監春秋館事判選部事鈴平府院君諡文顯公之墓也公諱珪初名文玉太師諱莘達之十世孫也高祖諱惇信兵部侍郎曾祖諱商季西京副留守祖諱復元太常錄事贈左僕射考諱純監察御史贈



明齋遺稿 卷三十五  
平章事妣洪州李氏禮賓少尹昫之女公沉靜自重  
登第於忠烈王朝忠烈四季王別置一官選一時重  
望以處之委以機務公與金周鼎鄭可臣等預焉嘗  
以左承旨知貢舉取崔凝等廕拜密直學士弘文館  
學士儀曹尚書密直副使成均館大司成修文殿學  
士西北面都指揮使忠肅王八季守僉議贊成事致  
仕十六季己巳七月十一日丙寅以守僉議政丞卒  
諡文顯忠烈王嘗謂左右曰人臣之節漸不如舊昔  
尹珪李混主銓選寡人欲以混弟爲行首珪子安庇  
爲權務珪曰臣子季少臣又掌銓不敢受混亦固辭

今之主銓選者先以美官授親戚况望辭乎語見李  
混列傳蓋公與混及鄭璿在政房相推致云嗚呼今  
距公之卒三百六十有七季矣其見於麗史者只此  
數款而已公當麗之季世以文學登庸歷試內外晚  
節致仕善始令終無一瑕玷其居家立朝德善功烈  
之可紀可傳者何限而今皆昧昧無可徵嗚呼豈獨  
我後裔之私恨而已配蔚山朴氏封郡夫人判書保  
之女子長曰繼宗三宰次安禱代言次中珪奉祿君  
次安淑僉議贊成事良簡公次諳少府尹次安庇左  
代言四女婚曰齊乙豆李繼芳尹莘保鄭思遠繼宗



明齋遺稿卷三十五  
至子仁貴而絕中珎亦無後安禱安淑諳安庇四派  
至今蕃衍冠冕不絕名臣碩輔相望於譜牒蓋我坡  
平之尹今盈於國中者唯文康公長子文定公鱗瞻  
一派之外皆公四派之裔也良簡公之後最大數世  
之後代出 國母誕生 聖人本支百世作我 朝  
任姒此實吾東大姓之所罕有也嗚呼源流者瀾盛  
德厚者流光公之事行雖未能詳而其盛德遺澤可  
驗於悠久者如此凡我後裔可不知其所本而思所  
以保守而無忝也哉墓在今長湍府治東南三十里  
古縣作木谷甲坐庚向之原公與夫人之墓爲雙墳

公左夫人右舊有短表歲久剝缺我諸後孫懼其堙  
滅無識也相與治石而改豎之又以爲舊表只有前  
面大字而無陰刻今不可不略記事實以示後也諸  
宗人遂以命拯不敢辭謹記如右主管此役者十五  
世孫今吏曹判書趾善承文正字趾仁也

首行所書  
職銜卽家

詳所  
載也  
朴士元墓表 己卯

嗚呼此乃潘南朴君泰輔士元之墓也自世道之降  
士鮮實學人鮮實才如吾士元者何可復見也若假  
之年則學可以勝重而遠到才可以大受而不惑天



既昇之而乃躋之於中道者果何意歟果何意歟君  
生於甲午自幼聰悟過人博學無方看書必窮其義  
趣雖微辭奧義一見剖析出人意表爲文章主於理  
勝一字不苟沉鬱老成自有家法二十二登上庠二  
十四擢魁科旋以非辜謫宣川踰季宥還庚申始選  
入玉暑湖堂一時俊彥之士莫能先君爲人剛果明  
快遇事直前無所回互以此又不容於時君亦求外  
出補伊川縣監者五季久之由銓郎陞應教又乞養  
出坡州其明季爲己巳也 上欲易 中宮君時罷  
官在家與諸公抗疏諫直觸忌諱疏入設庭鞫君挺

身自當既備受拷掠血肉剝爛而辭氣不撓聞者壯  
而哀之竄珍島至露梁江上而卒是季五月五日也  
昔盧蘇齋於康舟川墓文有仰天槌臂千椎萬椎之  
語讀之每嫌其近於野以今觀之知其出於至痛之  
極而不自覺也君歿未幾 上頗悔之命復官越六  
季甲戌 上大悟復 中宮位 贈君爵正卿賜祭  
旌闕以慰忠魂日月之夏恩及九泉而亦復何及也  
痛哉痛哉君識慮深遠論議勁切而忠厚其在玉堂  
也論泮享陞黜之議有曰崇謙挹之德守慎重之道  
以匡弼 聖質之所偏深有得於格君之大義嘗爲



暗行御史還啓湖南一路興販之弊以中外征利爲  
亾國之徵亦合亞聖義利之辨余於此二款常心服  
之以爲如此見識議論世少其比若使不死 聖朝  
必賴其用而今不可得使後世之知君者不過爲孔  
原魯鄒志完之節而已嗚呼君之命也時運之不幸  
也古人之欲籲天而無從者豈獨一岳武穆哉丁卯  
吾先子之被誣也諸門人欲上章陳辨而君爲之秉  
筆士林譁之其餘文字之關係世道者甚多有遺集  
若干卷傳于世後世尚有考焉君號定齋其先羅州  
人在高麗末有文正公尚衷我 中宗朝有司諫紹

皆以正學大節見隄於時君克肖之而不幸最甚焉  
曾祖諱東善參贊貞憲公祖諱烜參判忠肅公父世  
堂今判中樞府事母宜寧南氏縣令一星之女判樞  
公叔兄諱世屋早卒以君爲之後所後母坡平尹氏  
卽我姊也君誠孝出於至性事所後母所以承顏順  
意愉婉奉養之方雖已出何加焉昔吾伯姑淑哲而  
早寡得李公敏迪爲子慈孝甚篤人謂吾姑有德無  
命故天以賢胤報之也一家之稱我姊亦然此則吾  
家之所知而外人或未之詳也然我姊則臨老又哭  
君不能終其福視吾姑命尤薄焉嗚呼悲夫君娶李



明齋遺稿卷三十五  
相公厚源女生二子皆夭只有一女判樞公又以君之兄持平泰維之少子弼謨爲君之後又欲爲君墓表以書來曰渠生世雖促猶不無可傳者願有以識之使之終不至於沒沒也君之友南君鶴鳴又以其所爲行狀一通見示拯老病昏塞文不足以傳示久遠然如君所樹立豈待人言而有所顯晦也只撮其梗槩而敘之如右俾後世知爲斯人之墓而已噫

贈戶曹參判柳公墓表

庚辰

公諱光門字華叔姓柳氏其先晉州人始祖挺高麗上將軍七世而至瀆入 本朝工曹典書高祖諱成

栢濬源殿參奉於典書爲曾孫也曾祖諱洙成均進士祖諱秀薰 贈工曹參判考諱應星壽爵嘉善副護軍妣清州鄭氏副司果暹之女公以 萬曆丁未七月廿一日生既長自以獨子無兄弟不事舉業守分田廬孝奉二親自祖先以來五世同居一里總免之親朝夕相聚公爲人仁厚寬柔不與人相校凡接人遇物一以誠心待宗族尤加款厚內外親戚咸服其敦睦丙子之難奉二親避兵二親俱迫七麥嘗遇賊急奉匿巖竇間以身誘賊漸退遂得俱全有兩姊友愛篤至其析著也唯姊婿之所欲爲無難色季近



五十連丁內外憂由此衰謝頗早未幾喪室仍不復  
念家事靜處恬養十有八季而終於戊午十二月廿  
二日壽七十有二配河東鄭氏察訪 贈參判維之  
女婦德閨範見稱於宗黨鄉里生於庚戌二月廿七  
日卒於辛丑四月廿八日後以子德三官至二品  
贈公嘉善大夫戶曹參判兼同知義禁府事配貞夫  
人公葬于某州某山某向之原夫人祔于左有三男  
二女長即德三武科嘉善兵馬節度使仲仁三亦武  
科禦侮早逝李貴三女長適忠義衛李演咸季適武  
科副司果李廷蓋兵使二男四女萬杓萬樞女婿進

士李喜鼎士人金聲遠李壽泰次幼禦侮三男三女  
萬齡萬熙萬成女婿士人李禎洪禹錫次幼貴三二  
男萬增萬重忠義二男二女奎漢文漢女婿士人沈  
若澐柳以大司果亦二男二女炯燁女幼內外曾孫  
男女三十七人公家居不仕以終其身無自著見於  
世者而家庭之間實德內積晚享伯子榮養壽考休  
逸子姓盈宇豈非其報歟貴三學于潘南朴公和叔  
早棄舉業志行不怠以兵使將樹石表墓來請文拯  
之曾祖妣其考曰副提學慶公諱渾而公之祖妣即  
副提學公之弟監察諱激之女也俱為慶氏彌甥戚



雖踈而情則親謹爲之記

執中墓表

辛巳

嗚呼我堂叔父參奉府君諱溟舉慈祥瑞良叔母星州李氏參知尚倭之女婉嫕明惠兩美合德俱不幸壽未五十而偕歿生三男子長曰拭溫粹謹飭纒娶而天次曰抑有孝友至行又三十而夭其季即君也意謂承父母之遺慶鍾兩兄之餘齡終必充其志展其才揚其名以大其家者其在於君矣乃僅四十三竟以布衣長逝善而無福才而不試天道之難諶久矣吾獨奈君何哉我坡平之尹以高麗太師諱莘達

爲始祖入我

朝爲昭靖公諱坤我曾祖諱昌世

贈吏曹參判卽昭靖公之七世孫也葬我高祖考一贈承旨府君子尼山縣西接枝之山而仍居焉參判府君有潛德懿行我祖大司諫府君與君祖庶尹府君爲兄弟庶尹府君諱燾參奉府君其第三子也君名擇字執中事父母孝在側如孺子慕居喪與次兄一禮不懈其哭必哀三年如一日服闋而次兄卒事其二寡嫂誠義俱至有人所難者嫁遺孤妹盡其心力爲兩兄求諸從兄弟之子立之後爲人溫潤精詳而內蘊剛明遇事無大小裁處從容不使聲氣綜理



縝密不遺微細畏義慕善平生不敢爲犯義事立心不苟未嘗隨他毀譽人有本有末不但爲吾家之白眉而已廿七登上庠數奇不第年踰強仕不見有歎老嗟卑之色此又有才實者之所難也生於丙子某月干支歿於戊午十二月干支初葬於石城縣東飛嶺山後歲庚午十月干支移葬于昆山縣南廣石鄉卯坐之原前配綾州具氏祔左具氏都事塗之女生一女適俞敬基而寡後娶安東權氏士人休之女生一男一女男曰碩教娶郡守李世勉之女生一男再娶參奉具夏柱之女女適鄭錫老生一女拯與君兄

弟而朋友也相愛甚篤常歎君之賢且才而不見用於世然自外至者何足言君嘗自言賦命之奇險自父母兄弟妻子凡人間有名之喪無不遭末乃嫁無母之女而卽喪其婿天之隗善人一何酷哉終又不畀其壽而踣之於一病嗚呼命也夫余無以寓吾後死之悲略叙君始終使表于君之墓以君之所有不得見諸事業而其所書者止此後世誰知之也噫銘曰 不戚戚於貧賤兮不汲汲於名利 蓋古昔之所難兮而吾人之常事 雖才否一區而無聲兮唯吾方寸之地俯仰而無媿也 嗟執中亦如此而已



今後世之知不知何與於己也 我銘以悲之今尚  
庶幾不食之報發之於後嗣也

完山李公墓表 癸未

公諱百揆字敘仲我 太宗大王別子敬寧君祚之  
七代孫也敬寧生牟陽君植牟陽生仙槎君承孫仙  
槎生河東君裕河東生七子四登文科兩至正卿季  
子曰希誠効力副尉早卒未顯即公之曾祖也祖諱  
彥光折衝副護軍考諱培根有孝友至行妣延安李  
氏參奉義之女配德齊美公以 萬曆丁巳某月某  
日生十歲而孤號慕如成人事母事兄自少一無所

違蓋天性然也少時伯兄奉祖父護軍公在堂北村  
而公奉母在別村家貧衣被無完蔬糲不繼而朝夕  
甘旨未嘗乏其有不安節則晝夜不離側護軍公下  
世之後伯氏奉母歸堂北公亦隨侍自是至老兄弟  
不復分異寢則同被食必同案終日怡怡凡事一稟  
伯氏命無敢自專及遭母喪也與伯氏一遵禮制廬  
于墓下曉夕拜哭練前菜果不入口後遇父母忌辰  
祭品極其精潔不委婢僕祭後終日悄然未嘗歡笑  
此公實行之大略也少受業於吾堂叔龍西先生之  
門又從吾先子遊平生心無不善之念行無非義之



事小心恭畏以至歿身可謂無媿於古所稱善士也  
終于辛亥某月某日葬于公州南發峙山某向之原  
配青松沈氏某之女亦有閨範姑常稱善事我最鍾  
愛後公七~~季~~而生先公一季而歿亦葬在發峙而異  
麓焉有二子長曰玄佐少曰玄佑十九而天玄佐娶  
進士朴延儀女生二子漢秀漢達玄佐將伐石表墓  
以余與公好且知公悉請余記之謹記其實俾後人  
知之玄佐有文行必能立公門戶並書以俟焉

順安縣令李公墓表

丙戌

公諱世億字仲錫姓李氏其先龍仁人曾祖諱士慶

大司諫

贈吏曹判書祖諱後地

贈左承旨考諱

河岳家行篤厚績用茂著官止牧使

贈參判妣海

平尹氏縣監悅之之女文貞公月汀根壽之曾孫也

公以 崇禎甲戌三月九日生六月而尹夫人下

世既長又嬰疾廢舉業年四十始授繕工監役陞義  
禁府都事乙卯拜麟蹄縣監丁巳丁憂服闋又由廣  
興主簿拜金城縣令會前官仍任不果赴尋拜順安  
縣令壬戌遭繼妣喪數年之間再罹巨創哀毀致疾  
竟以乙丑正月十一日終初葬于抱川先塋甲申冬  
以宅兆不利改葬于廣州治東牛山里甲坐之原公



明齋遺稿 卷三十五  
孝性出天常以不識慈顏爲至痛事諸姑如事母伯  
氏早世撫諸孤如己子居官以廉涖民以恕待人接  
物專尚信義宗黨鄉鄰咸得其歡蓋公容貌舉止酷  
肖先公而軀幹差少性氣寬和見識周通人謂可繼  
先公而遽爾隕歿莫不嗟惜焉公初娶司禦柳時亮  
女未育再娶完山李世綱女生二男一女長宜麟次  
宜龍出爲公之弟監司世載後女適士人金相吉宜  
麟子普一女婿梁益柱余與公有奕世情誼宜麟請  
墓文不得辭老病無文是可媿也已

安東權君墓表 丁亥

安東權君玉汝名振文忠公近之後高祖諱砮 贈  
領議政曾祖諱兢副護軍祖諱恬察訪考諱侗刑曹  
正郎妣鎮川宋氏處士濟女君生於 顯廟之四季  
癸卯六歲而孤稍長能自力於學奉母夫人左右無  
違與諸昆弟處極其友愛兄弟六人君居第五鄉黨  
有荀慈明馬季常之稱爲文詞爲儕流所推君氣岸  
頗偉才調逸發與叔兄持君敬酷相似人咸謂當如  
兄之遂而顧屢舉不偶季僅四十有四以歲丙戌三  
月十四日病歿於君敬之茂朱官舍聞者莫不嗟惜  
焉初窆于府境以是季十月葬于鎮岑縣南陳村亥



向之原君娶柳後渾女生二男二女後娶郭賢才女生三男容早天竑為君敬後餘皆幼女適李東鎮朴來翼皆士人君自弱冠相從遊情義不淺竑又為子忠教之婿以君敬所記君始終者來請墓文余悲君之賢而早世又念君敬琴亾之痛為之撮而書之而且以力學顯親以伸其屈之道勗之於竑兄弟云

金山郡守韓公墓表 戊子

公諱如愚字子淵西原韓氏也高麗名臣文敬公脩之後我 成宗朝佐理功臣文靖公諱繼禧七代孫也曾祖諱天賚 贈吏曹參判祖諱孝仲承旨 贈

判書考諱必遠禮曹參判妣貞夫人全州李氏監察申祿之女公生於 崇禎壬申丁酉選上庠甲辰始仕歷典設別檢司導直長尚衣別提丁未除奉化縣監癸丑除左水運判官乙卯除鎮岑縣監庚申拜刑曹佐郎旋陞正郎移平市令拜金山郡守壬戌卒於任所葬于驪州先塋亥坐之原公為人寬和家行孝悌在官奉公盡職律已清謹少有才望而不克大闡官止墨綬壽纔半百人皆歎惜焉淑人南陽洪氏右議政重普之女幼為祖觀察公所奇愛教以女訓閨範甚淑生於辛未卒於庚申葬祔公墓之左有四男



一女男長曰世箕時爲海州判官次永箕薦學行未仕次鎮箕顯箕女適曹夏奇盈德縣令世箕三子曰震朝恆朝頤朝永箕三子三女曰鼎朝益朝安允澤餘幼鎮箕二男二女曰泰朝李夢彬餘幼顯箕一子曹夏奇三男三女曰命教尹容餘幼震朝一男恆朝三男一女頤朝一男一女鼎朝二男曹命教一男一女皆幼公雖奮於躬而子姓蕃且才所以伸公之屈者其在斯歟通判將樹公墓表永箕狀公遺事求記其陰拯於公有奕世誼且與公諸子相從不獲辭顧老病昏耗不能爲文無以副孝嗣之誠是可媿也已

### 子恕墓表

嗚呼此乃有明朝鮮司憲府掌令尹君諱推字子恕之墓也君之先坡平人祖諱煌大司諫八松先生考諱宣舉魯西先生妣公州李氏生員諱長白之女也君以崇禎五年壬申五月五日生于漢城幼勁特不羣旣長治舉業再得解未成名季未三十得疾在牀褥者幾十年戊申始又赴科屈於殿試士論惜之明季己酉丁憂辛亥服闋更不赴舉自號農隱服田食力爲終焉計連除繕工監監役童蒙教官司饗院參奉皆不赴以薦剡有陞敘六品之命辛酉始除



長興庫主簿尋除懷德縣監君既屢被 除命以漸  
得不仕之名爲懼遂謝 恩之官居一季有所不樂  
棄歸丙寅除定山縣監明季丁卯遭先君子被懷川  
之誣詆棄歸己巳除石城赴任未數月遭牛粟兩先  
生文廟輟享之庀又棄歸甲戌除龍潭縣令踰季而  
歸乙亥被廉謹之選超敘津職除禮賓寺正赴謝而  
歸丙子除青松府使不赴丁丑冬除金堤郡守戊寅  
夏棄歸丙戌始拜司憲府掌令君時季己七十五矣  
陳疏辭 聖批申諭上來再疏而遞又拜掌令旋以  
公格遞丁亥十一月二日終于竹里以明季正月二

十五日葬于公州南木洞鄉斗山某坐某向之原嗚  
呼君爲人清峻明決且有高才遠識早以病廢晚仍  
自屏於畎畝竟不能有所展布而終既老常自歎曰  
當爲國家少效材力而白髮乃如許耶世人以此無  
有知其蘊者其爲邑絕異於人自處如在家時視官  
事如家事未嘗以私惠小恩响响於民唯有害則去  
之有橫斂則除之務令民無煩撓而已待吏民一以  
誠信無不愛而畏之其欲歸也命駕獨出而家屬隨  
之邑人亦不及知也歸家則蕭然如舊無一介官物  
之帶來者未知古之范萊蕪元魯山輩何如也居家



極簡儉安貧守素略無所厭爲優於調病多處齋庵服食與老衲無別人之見者莫不以爲難堪而常泰然也無求於人無慕於外與古之隱居獨行者實多暗合非必學得於他也少時峭直好面折人嬰病之後變得氣質口不言人之過遇人恭謹雖卑賤不敢忽易也然論人其邪正虛實洞然如見其肺肝久而益信論事無大小其是非成敗後多如其所料古人所謂先見者無讓焉與我爲兄弟七十季德切如朋友遇有過失直斥苦爭至於變色而旣老猶未嘗偃息於前吾每謂老人並卧無妨而猶不敢也雅性不

喜芬華不喜煩鬧常以淡靜爲味嘗曰聖人每言命所以曉衆人者而人之信得及者尠矣末年衰病繆獨苦惱無比而一切任他不以動其心其定力人不可及此蓋君之本末而吾不能盡之也配豐壤趙氏郡守進陽之女浦渚先生之孫繼室全義李氏士人櫛之女俱淑人子二人長曰自教質厚行醇年纔半百先君六年卒少曰可育才高志遠不幸短命二十四歲而夭李氏生一子不育自教有一子四女子曰東洙以學行薦內侍教官有二子光蘊光謙長女適李思齊二子二女次適李普元二子一女次適權在



衡生一男而天季適李弼聖可教有遺腹一女而無子以從弟行教之子東浚為嗣女適金時濟二子二女東洙請余題墓表病惜不省僅略述如右而別為遺事十餘條使之以此求誌於作者云

從叔父府君墓表

庚寅

公諱海舉字叔敖姓尹氏坡平人高麗太師諱莘達之後也九世祖諱坤八我朝吏曹判書諡昭靖五世祖諱倬中宗己卯大司成高祖諱先智兵馬節度使曾祖諱暉贈左承旨祖諱昌世贈吏曹參判考諱燾漢城庶尹妣南原尹氏僉知號良輔所之

女也以萬曆四十三年乙卯正月初七日生公幼被養於舅氏尹都正天衢都正公無子視公如子公亦父事之公為人樂易不修邊幅少習舉子業不屑而棄之不戚戚於貧賤不汲汲於名利優游田野以至於終焉居家孝友在親側怡愉如也事諸兄恭而愛與季氏監役公晚季未嘗暫離日夜同卧起如一身然卒於甲子六月十六日壽七十初葬于尼山縣南立石鄉歲己丑遷葬于先祖墓案山積巖東麓某向之原配延安金氏附其左金氏縣令厘之女柔和有淑德生於辛酉以戊子十二月十日壽八十八而



終舉七男一女男長曰撫次採提採揆扶槁女婿曰李鼎夏撫有一男三女曰胄教李公榮朴定興閔禎胄教有子東彥東殷採有四男二女曰以教晚教林漢經餘幼提有二男三女曰由教承教韓允箕李道光李世珩採有一女及側子揆以經行薦授 光陵參奉以親老拜 恩未幾而謝歸有二男一女曰莊教英教李錫祺扶進士醴泉郡守有三男三女曰顯教彥教勉教宋堯佐任適李蓋顯彥及任適俱生員堯佐縣監擢武科通政泰安府使有二男二女曰震教李思彥李鼎夏有二子二女曰某某餘不盡載公

晚自號不憂堂命拯記之記成公欣然揭諸壁曰是道吾志也公寢疾於是堂經季而終嘗往候之謂曰吾死則汝輩來哭哭罷曰吾叔福哉福哉仍笑言如吾之福亦不易也少無怙化之意嗚呼即此而可見公之平生也撫等將暨公墓表謹叙世系生卒子姓如式嗚呼公雖以布衣終而子姓之蕃最於諸兄弟祖先積善之餘慶當鍾於是爲後人者可不益勉於文行忠信以承之哉銘曰 昔我先人同堂昆弟公爲寡少既友以悌桑梓相從家法是守七耄考終素履无咎繫茲淵源俾也無徵小子爲銘尚飭雲仍



子敬墓表

嗚呼此乃故副提學坡平尹君諱搢子敬之墓也君與拯爲同堂兄弟而少余二歲孰謂先逝而使余題其墓也嗚呼君卽我仲父童土先生之次子也妣咸平李氏其考曰觀察使春元君以崇禎四年辛未六月八日生幼學于家庭文藝夙達弱冠登上庠旋遭內艱因以病自廢幾十季不幸伯氏修撰公奉使南徼而卒君欲以慰養老親遂就祿仕自冰庫別檢宗簿直長禁府都事至尚衣主簿復赴舉丙午擢魁科旋入侍從未幾丁童土公憂制除仍居墓下有休

官之志每除輒辭間或黽勉應命或赴外任歲辛酉陞通政甲戌陞嘉善皆以廷臣以恬退請褒有此遷擢而非其所樂也蓋前後歷官內則於諸曹爲兵吏曹佐郎正郎禮曹參議工曹參判諫院爲正言獻納司諫大司諫憲府爲持平執義大司憲玉堂爲修撰校理應教副提學成均典籍司藝侍講院司書輔德宗簿寺正承政院同副承旨而銓郎亞長以上皆不就唯禮議謝恩而已外則海運判官原襄京畿都事綾州牧使淳昌郡守清風江陵府使忠原縣監京畿監司而所赴者畿都及綾淳二邑也噫世之酣



明齋遺稿 卷二十五  
象名利沒溺頽波者滔滔而不知返則恬退一節亦  
曷可少哉然君之炳於幾先決於去就其高見遠識  
實有超然人不可及者後之尚論君子未知果以爲  
幾層人也戊寅三月十日終于里第壽六十有八遺  
命葬于先山童土公墓右麓卯坐之原貞夫人慶州  
李氏全州李氏並祔焉二夫人俱有淑德有二男三  
女男曰惠教懋教婿曰判官李宜遂士人李瑩直長  
沈竣側出女李萬石惠教一女一男女適李德顯懋  
教一女三男判官男普春生員普寅普淳直長男奎  
鎮星鎮鳴呼余與君幼而同隊長而同學晚與弟推

同棲西峯而君又卜築枝山相與俱老於松楸之下  
君資稟剛明而善於斷決余之昏懦所資於君者實  
多名雖兄弟而實畏友也君精神不衰謂必後死不  
料其奄忽而余弟亦復繼之獨余支離以至於今常  
恐如瞽者之無相不知將作何狀而死夙夜兢兢如  
履薄冰以此懷賢思舊之心常切于中惠教請君墓  
道文字顧老病昏塞不能爲文而獨念士君子風節  
無大於出處遂綴數行語以誌後人仍附所感於其  
下而餘可書者皆不能詳世系已具於童土府君神  
道之碑亦不重述焉君歿後十有六季歲癸巳五月



明齋先生遺稿卷之三十五  
從兄酉峯老人拯強疾而書

明齋先生遺稿卷之三十五

明齋先生遺稿卷之三十六

墓表

翊衛司翊贊趙公墓表

癸巳

上之十三季丁卯懷川相上疏誣毀吾先君子先君子之門下三人抗章辨斥曰羅良佐顯道曰成至善汝中其一則公也公諱得重字士威其先漢陽人始祖良琪高麗時世守北邊有功入本朝龍城府院君襄烈公仁璧漢川府院君良節公溫並著勳闕六世而至諱玉縣令贈參判是公高祖也曾祖諱揚庭贈判書祖諱緯韓知中樞號玄谷文章氣節有



明齋遺稿 卷三十六  
名於世考諱億郡守妣淑人全州李氏大司憲 贈  
領議政蔡之女公以 崇禎丁丑四月二十七日生  
自幼不喜遊戲知樞公以大耄在堂常侍傍未嘗暫  
離言語動止一遵訓誨知樞公奇愛之及長負笈受  
學於吾先君子之門遂廢舉子業專意爲己之學庚  
戌丁外憂癸丑連丁內艱執喪致哀哭泣之節饋奠  
之禮六年不懈祭需必親自檢看婢僕感其誠亦盡  
心精潔服闋寓居扶餘地守靜鄉廬唯以講讀自娛  
鄉人無貴賤一以恭謹待之隣里莫不敬服壬戌李  
相國尚眞薦經術士公與焉癸亥拜 健元陵參奉

玄石朴公佐銓所舉也丙寅遷廣興奉事明年爲丁  
卯也疏上羅公以疏頭遠竄公與成公並削職時當  
路者皆黨於懷川人皆知疏出則禍至公時年五十  
一在參下五季未及陞六品而棄之不少吝人以其  
最難承旨吳公道一副提學崔公錫鼎司諫李公整  
等相繼論救而不能得公遂歸高陽村舍爲終老計  
淨掃一室終日端坐沉潛經籍老而不怠甲戌朝廷  
變化始復拜典設別檢戊寅遷司圃別提己卯轉義  
禁府都事其季六月拜加平縣監居官廉簡愛民以  
誠辛巳秋罷歸一境之民皆攀轅願留立石以表去



後思及還鄉居籬落蕭然蔬糲不繼而守其素分處之晏如公性恬靜謙約不求人知所居齋舍亦不揭號家弟子恕手書守正齋三字以寄之公謂故入厚意不可孤且以自勉亦好笑而揭之丁亥廷臣啓

東宮官僚以經學操行之人擇差其季冬拜翊衛司翊贊強起謝 恩數朔以老病呈遞而歸辛卯三月七日終于正寢享季七十有五葬于交河良節公墓下亥坐之原公孝友篤至平日事父母盡其愛敬居憂哀毀幾滅性每遇忌辰號慕如初喪伯兄早歿宗姪又天宗婦將孤兒流寓鄉莊公移奉家廟替行祭

祀誠敬備至沒身不衰雖出於不得已權宜之義而亦可見其事死如事生愛慤之至誠矣同宗有十歲兒失其怙恃予予無依公往弔其家見而愍之率育于家教以學業及長爲之具幣成婚俾承其家內外族黨雖踈遠必加敦睦平居好讀論語常曰訥言敏行曾子之所用功者而吾師之所嘗訓戒者也教誠子弟每以此諄諄焉於此公之平生所存者可知矣  
配淑人南原尹氏進士 贈掌令柔之女縣監 贈  
大司憲衡甲之孫弘文校理 贈光國功臣領議政  
文節公暹之曾孫也淑人與公同季生而月日後於



明齋遺稿卷二十六  
公季十四歸于公端潔溫順事舅姑盡其敬禮處妯  
娒姊姒之間終始無失一門稱之待婢僕有恩意衣  
服器用必從儉約不喜華鮮安於貧窶少無厭苦之  
意白首偕老內外怡然閨門之間和氣常滿及遭公  
喪襲斂衣具一皆親視淨潔無侈以遵簡儉之遺志  
朝夕饋奠親奉盡禮不以篤老自處竟以其年十一  
月六日繼歿明季壬辰二月祔葬于公墓之左生二  
女一男男早夭以弟萬重之子欽爲嗣女長適成孝  
錫縣監次適李道昉生員欽一男二女皆幼孝錫二  
男德浩德海一女李宜衡生員道明一男天嗚呼公

與拯兄弟自弱冠相從情如骨肉又與顯道汝中友  
誼篤至玄石朴公之養母即公之姑也與公有兄弟  
之義公待以師友玄石末季一出世多疑之公爲明  
其心事今諸友皆已先逝而余獨後死公之嗣子以  
余爲知公託以墓文老病耗塞已廢筆硯事久矣而  
不容辭謹敘其本末而係以銘

未幾易簣銘文則未及脫藁焉

墓誌銘

潘南朴君墓誌銘

君諱世厘字叔厚姓朴氏高麗直提學尚衷之後我  
中宗時司諫諱紹之玄孫也曾祖諱應川司宰監正



明齋遺稿 卷三十六  
祖諱東善議政府左參贊考諱炆吏曹參判錦洲君  
妣貞夫人楊州尹氏觀察使安國之女君以 天啓  
七年丁卯六月十三日生於尼山縣之途旅生而俊  
爽及四五歲容止凝重已有偉人器量錦洲君奇之  
期以遠大六歲而孤始學能通大義稍長事母夫人  
及仲兄誠恪不懈先君子與君之舅尹正郎教兄弟  
善一見君歸而喜曰潘南風采楊尹氣宇萃美於此  
遂妻之時先君子寓居錦山與市南俞公先生結廬  
于麻霞峯下號曰山泉之齋日處其中君從之遊講  
誦服行昕夕孜孜惡衣惡食略無厭色先君子與市

南皆愛重之歲己丑丁內艱摧毀過禮逾期如初翌  
年君祖妣李夫人繼歿而仲兄又嬰重病君憂傷感  
痛常獨居涕泣衣袖盡濕君之弟世堂從傍諭之曰  
天禍吾家兄又以憂忘生豈終孝之道也君曰吾亦  
知之但悶然心痛自不可抑爾竟以是夏疾作沉綿  
數月至十二月二十九日竟不起臨絕神氣不亂凡  
在傍者各屬以語言畢而逝得季僅二十四辛卯二  
月甲子葬于金浦馬山先塋之側君稟受剛方見世  
之僂僂粉澤卑諂詭隨嫉之如仇其有愜福多質任  
真者特推心許與之論事是非必極其所見衆言不



能屈然苟悟其誤亦捨之不吝雖志尚高邁性度峻整而親賢樂善與悌恭畏不敢有傲容其在親側怡愉和悅如恐傷之凡有所爲雖小事必有始卒如寫字之微亦謹而有恆其誦習古書初立程課未嘗中廢既識慮周詳又自負其才平居遇事輒欲以身任之見人之媿嬰憚避每笑而鄙之然雅趣淡潔於世間一切污濁若或浼焉嘗手書靖節詩文山自叙及聽松山居雜詠常諷詠以寄慕焉嘗書于日記曰乍存乍亾所立何事又曰靜以修身戒之在怒薄責於人在家貞吉又曰以懶帶矜爾之膏肓精思勇往爾

之瞑眩又曰退人一步低人一頭又曰晝寢糞也糶蒲奴也夙興夜寐胡不慥慥又曰義理精淡須要徐究切戒強辨其省身克己之力又如此嗚呼以君生質之粹美發軔正路又甚早若假之以年得充其量則其所至何可量也由此而見用於世必能樹立風節展布蘊識表表可紀今皆已矣誰復知之哉嗚呼君頽然長身風骨秀拔言語不妄視瞻有威古人謂壽夭貴賤可卜之氣象而乃未免短折豈非命也哉疾革誦陶詩曰人生若寄憔悴有時靜言孔念中心悵而因爲之一吁夫以盛年高志中途就歿蓋不能



不自傷其不幸也嗚呼悽矣配坡平尹氏即我姊也  
生一女不育卒以無嗣以世堂次子泰輔爲後君之  
仲兄名世堅字仲固世堂字季肯悼君器業之未就  
懼其久遂湮沒也各疏其一二事行而俾拯識之且  
欲以納諸壙嗚呼拯少時從君周旋愚智相懸無能  
以盡其所存顧其敬服之深情隨義至爾來三十年  
九原之思常切于中今何忍以不文辭遂次其所疏  
而繼之以平生竊藏於吾心者唯以爲吾三人之言  
不沒庶使後世知有斯人也銘曰  
豐才而促齡者氣數之忒也 命短而名長者志行

之寶也 噫逝者一瞬而何知兮惟以寫吾後死之  
悲也

獻陵參奉趙公墓誌銘

公諱演字民用姓趙氏其先楊州人至文剛公末生  
始大顯於公爲十世祖也其玄孫邦佐寔生二子長  
曰貞簡公彥秀次曰縣令俊秀貞簡生檢閱擴擴生  
縣令存善存善生慶覃慶覃生元老俊秀生縣監摯  
摯生存慶存慶生馨遠馨遠生縣監興賓公即興賓  
之仲子也母牛峯李氏士人應晟之女元老娶戶曹  
正郎全州李公幼清之女委禽數月而歿其季父慶



明齋遺稿卷三十六  
起取公繼其後生纔五歲學于所後母李氏之堂兄  
命雄幼性端恭言笑不苟動止有常處事必周詳然  
諾必慎重其在童穉已有老成之器季二十三中司  
馬兩試出遊膠庠士友皆傾心焉丁丑亂後挈家歸  
于連山莊舍仍負笈于慎獨齋金先生之門金先生  
見公之從祖慶起亟稱公才未幾以親濟爲便醫藥  
返洛雖在城中不屑於名利息交守靜手寫心經太  
極圖說聖學十圖等書而日玩索焉嘗造渾天儀多  
出於意匠見者奇之平日手不釋卷其在虜變避兵  
竄棘之中猶懷中肅一帙於胷間虜矢中膺鏃不犯

膚人以爲抱書之祐云其事親也生養病憂喪哀皆  
有人所難及者己卯秋丁所生外憂守制盡禮甲申  
除 獻陵參奉翌年又遭所生內艱既闋卜築于南  
漢之北自號漢野居士鄉里諸少多來請業甲午秋  
所後母李氏歿哀毀踰制纔過練期竟不能勝喪歲  
乙未十一月二十日也壽僅四十有五知公者爲之  
歎惜翌年正月八日葬于楊州金村里先塋側負卵  
之原公初娶全州李氏 贈都承旨燭之女未育再  
娶坡平尹氏士人正得之女滄浪成先生之外孫也  
生二男三女女長適士人李塢有一男曰弘道次適



士人李灑有三女季適士人李燦男長曰東翊早夭少曰東龍娶參奉李遠基之女生一男幼拯自少屏蟄鄉曲未及識公之面而我先君子為滄浪之甥東龍又從先君子學由是習聞公事行東龍以墓誌來託不得以不文辭謹就家狀次其一二而係之以銘

銘曰

有行有文有子有孫 壽既在命官又奚論 屈伸之報古人之言 我銘是徵以勗後昆

漆谷府使 贈戶曹判書李公墓誌銘

李君迪吉使其弟師吉奉其考 贈判書公家狀托

拯以墓誌公即縣令晉山姜公晉昭之婿而姜公於拯祖妣成夫人為姨弟也師吉自少受學於吾先子故其兄弟與拯戚雖踈而情甚厚今不容以不文辭遂謹敘其世系行業子姓而為之銘公諱滾字士淵咸平人高麗神武衛大將軍彥其鼻祖也六世祖從生佐我 世祖策敵愾勳封咸城君官漢城左尹諡莊襄曾祖允實縣監 贈領議政咸山君祖璘監察考應星嘉善郡守 贈左贊成咸豐君妣 贈貞敬夫人陽川許氏掌令思欽之女也公以 萬曆甲申生幼穎脫壬辰避倭兵一日夜驚公方睡家人忘未



印齋遺稿卷三十六  
擊公既寤意家人必來尋而恐離處則相失遂倚門而俟不移跬步時季甫九歲矣見者咸奇之以爲不凡比長益嶮然所交遊皆聞人長者乙巳登上庠光海癸丑賊臣構禍兇徒偉卿等聚泮宮將投廢母疏其機甚迫公聞之奮然直入設權辭斥遞齋任兇徒沮散鰲城李公恆福歎嘖以爲非公不能辦此公因與同志陳疏斥兇論謂明倫堂爲兇徒所污取水洗滌之通文八方以激士氣又與鄭澤雷等伏闕請誅奸魁爾瞻嶺儒繼館學抗章被誣公又率多士伸辨時公終始掌太學議自以扶倫紀攘兇孽爲己任

輒冒危當前銳然不顧同事者流竄相繼而爾瞻最惡公常目之曰若除朱顏竹笠者吾無患矣至令人日伺公動靜而禍竟止於削錮者天也旣而知事無可爲擊家避地于鄉莊仁祖甲子起拜義禁府都事未及趨命聞李适叛遂自湖中收募義兵星夜馳進到漢南遇車駕伏謁路左上按轡勞問淡加獎歎仍命扈從除四山監役明年陞秩授內瞻寺主簿自是歷試內外所在稱職內則司憲府監察義禁府經歷軍器寺司宰監僉正刑曹正郎外則陽城懷仁沃川縣監陽川縣令金浦高陽郡守漆谷府使



末季連守信川朔寧二郡以終其為邑愛民東吏剽  
煩理劇尤長於蘇殘起廢綽有良吏績其為陽城也  
陳疏去民瘼為金浦也值丙子之難預集船數十活  
郡民數千萬人身率吏兵往來護府庫賊退畿甸蕩  
為灰燼而金浦一郡獨完及投紱上特命還任以  
從民望其後郡民間公之沒船粟來贖以報公德在  
高陽廟堂議薦授義州有沮者不果在朔寧捕獷賊  
加通政階卒於癸巳二月壽七十以甲子原從功  
贈戶曹判書公為人尚氣義好然諾遇事曉解無所  
礙滯輕財好施不營產業尤篤於內行未三十喪兩

親居憂六季一禮不懈事寡嫂盡敬視諸姪如子婚  
嫁不失時宗族有貧乏者賙恤無所吝其有喪則尤  
匍匐焉與朋友交有信義閔尚書聖徽嘗病癘垂死  
人不敢問公入視投藥以救之人以為難鄭公澤雷  
死謫中公哭曰吾豈忍使吾友委骨於瘴海而莫之  
收乎即日理行資辦喪具馳往赴之親自扶襯水陸  
千里歸葬于其故山此尤世所罕觀者也公初娶驪  
興閔氏將仕郎楫之女婉嫕有婦道生三男曰咸吉  
碩吉後吉繼室即姜氏也待前夫入子無間已出持  
內政有法度一門稱以女士生四男三女男曰迪吉



井吉師吉震吉女婿曰吳道隆李宇益徐文在側室  
男女各一男曰次吉女爲蓮城令從虎妻咸吉察訪  
一男曰彬五女婿洪萬崔柱一縣監黃克順崔斗燦  
李九命碩吉男曰檄武科女閔沈後吉以公命出後  
其族父淳五男曰糖楨樟標構樟進士五女進士崔  
世柱崔世徵金弘楨趙明萬洪啓漢迪吉進士仕爲  
直長三男曰楸樸樾三女幼井吉無子以樸爲後師  
吉二女震吉進士二女吳道隆三男遂良遂顯遂光  
一女姜鼎相李宇益奉事三男九冕九行九成內外  
曾玄百十有餘人盛矣哉公窆于麻田豐石山東丙

向之原白江李公敬輿書其碣以表之前夫人附左  
後夫人亦先公歿墓在同原二夫人俱從 贈貞夫  
人銘曰

人之爲義氣實配之 雖使勉慕無是餒而 嗟惟  
李公夙昌其氣 遭昏斥虎曾不懼畏 奮茲義聲  
以立其身 糾旅勤 王忘己急人 人皆蓄縮我  
獨盈溢 隨事沛然罔非是發 家無間言民有遺  
愛 才多位少流慶未艾 我最其蹟以識幽窆  
有欲知公視諸顯刻

林川郡守任公墓誌銘



公姓任氏諱耆字希叔其先出自中國籍於海西之  
豐川府有諱澍仕高麗忠烈王爲御史大夫寔爲鼻  
祖其子曰子松忠惠時平亂有功封西河府院君又  
其子曰文簡公德儒是生諱球入我朝爲參知門  
下府事仍世大顯爲盛族又五世而至諱呂以大科  
進官至右承旨卽公之高祖也曾祖諱繼老贈吏  
曹參判祖諱碩齡江原道觀察使考諱景莘禁火司  
別坐妣全義李氏生員榮林之女公以萬曆壬子  
生觀察公撫之曰是保家兒也及長績文不懈孝  
宗庚寅登上庠明季辛卯除冰庫別檢尋爲郎嘉禮

都監用陞六品遷掌苑署別提癸巳春除稷山縣監  
病不赴夏赴禮山縣監民有叔姪爭者公杖其姪而  
責其叔二人慙悔不訟而退越三季乙未罷歸民立  
石思之丙申爲訓局郎丁酉敘復刑曹佐郎出監平  
康縣每出令因便知會不用官差峽民安焉境內有  
獷盜公設機捕殄國典捕獷盜者例陞資公曰殺  
人受賞吾所不願力辭得免人以爲難瓜滿入爲司  
饗主簿癸卯又監恩津縣邑有逋欠六百餘斛侵及  
族隣甚爲民病公言于方伯遂得啓聞蕩滌有士人  
家有呪變疑其堂兄弟將成大獄公諭之以理其人



感悟竟得無他丁未以公格遞戊申復宗簿主簿移  
工曹佐郎尋陞其曹正郎己酉又出爲臨陂縣令二  
新鄉校以興士學庚戌冬以憂去服闋除 世子翊  
衛司翊贊尋拜林川郡守公感然曰前日之仕爲奉  
老也今雖得邑誰復爲養嗚咽久之旣赴連遭 國  
恤都監所供悉自官辦乙卯見罷先是公葬母夫人  
于定山之美谷及罷歸于墓下墓左有小庵公就居  
而樂之曰吾老矣倦於仕宦閒卧林泉畢命松楸足  
矣杖策逍遙不以家累嬰心焉一日晨起梳洗向晚  
若有不平者正枕如寢有頃而卒即丙辰二月八日

也淑人李氏先卒葬於母夫人墓下向西之原用其  
季四月辛酉窆其右而合葬焉公體端而貌豐爲人  
仁慈和厚事親極其誠愛別坐公末季有疾子弟無  
當意者公侍側得其歡心及其疾革嘗糞禱天姊婿  
李公敬輿亟稱其孝奉養母夫人生朝令節必置酒  
肉與家人子弟娛侍左右盡歡而罷然雖在官亦不  
設盛宴不請外客曰吾觀世人事親亦務虛名吾所  
不取也事寡嫂及伯姊敬奉甚至取亾妹女無依者  
撫育婚嫁無異己出居家不飾鞍馬服用常戒諸子  
曰未有奢侈而能享福者也與人未嘗有忤色違言



有友生病歿旅次救視之盡其力其爲邑自奉簡約平易近民所在有仁聲推老老之心問邑之高季者必設宴以享之在平康民有獻白雉者在恩津又有獻麥穗兩三歧者或勸其報聞公笑而却之筮仕二十年歷職內外而未嘗營產業嘗曰吾無才德他無以報國恩唯恪勤奉職清謹爲官乃吾素心也又曰才能者不可勉強至於陷身污辱則乃其自取此士夫之至戒也蓋公之言行如此皆可爲子孫之法云淑人平壤趙氏通德郎之幼女婦道甚備早卒葬于廣州先塋繼卽李氏其先慶州人郡守大廈之

女喪父母盡其哀父母無子欲以淑人之子傳其祀淑人不從竟爲之立後事姑承順無違至於奉祭祀教子女待宗族御婢僕皆有法式不服錦繡不惑巫覡疾病使人理髮翦爪與家人訣曰死無所憾唯恨奉姑不終耳丙午七月卒于恩津縣衙享季五十有一公有八男三女男長震亨次震成震行震明震英震昌震雄震忠女長適進士崔窩次進士尹翊商士人李善禎崔氏婦趙淑人出也雄忠側室生也孫男七女二外孫男三女一皆幼諸孤以拯忝在婚姻之屬知公德善事行託以幽堂之誌以不文辭不獲謹



最而叙之而係以銘銘曰

官止四品壽未七旬而行其字子孫振振享雖  
不羸祉則既多無疾乘化抑又何嗟婉愉其愛  
溫恭其基奉職也謹處家也慈生稱善人沒歸  
樂丘是慶是安後昆是麻公子我婿我女公婦  
我筆以實可示永久

左副承旨沈公墓誌銘

公諱之漢字子章青城伯德符之十代孫也高祖光  
彥官左參贊謚胡安公會祖鉉參奉贈左通禮祖  
宗範監察贈左承旨考倬遭昏守正齋躬裕後妣

陰城朴氏士人有寧之女以萬曆丙申十二月壬  
寅生公少問學於守夢鄭公擘年十八發解三場及  
光海癸丑廢母之論起公與趙慶起等九人抗章  
請誅偉卿造訛三賊以正倫紀退而杜門屏迹壬戌  
冬挈家入橫城山中仁祖即位始復赴試中甲子  
司馬己巳文科分隸成均館權知學諭臺諫以公蚤  
立節而不與槐院之選劾罷其主掌官尋薦授承政  
院注書移侍講院說書又移藝文館檢閱咸稱有史  
才例陞侍教奉教甲戌陞成均館典籍移司憲府監  
察歷侍講院司書拜司諫院正言自此至丙子七爲



正言一爲司憲府持平五爲弘文館修撰間爲兵曹  
佐郎在玉堂也遇乙亥白虹之變與同僚上劄極言  
修省之道丙子北虜僭號啓陳修攘之策又與同僚  
疏論時務陳治兵擇將之要秋求外補泰仁縣監冬  
虜兵至上駕入南漢公領本縣兵詣兵使屬焉巡  
察使辟公爲從事官使督糧餉丁丑春兵使敗軍潰  
巡使使公再調散卒公奉母夫人托妹婿避亂而身  
獨留縣邑里一空飛矢四集公終不動已而沿檄赴  
長城亂民瞰公離縣卽劫掠官庫公馳還捕得首亂  
者三人斬之且自請不能戢盜之責巡使啓罷公而

適有因噍修郤者公遂就理置對旣出省母夫人於  
海美縣因畱寓焉越三歲叙復 宗廟署令除平昌  
郡守坐前事遞冬聞虜使來有嘖言公不勝憂憤草  
疏累千言辭甚激切以母夫人病不果上又二季拜  
平安都事無何罷歸癸未拜善山府使府經壬辰兵  
燹官舍蕩然久而未復公爲一新之民不告病疏陳  
金烏山城便宜事務丙戌棄歸丁亥拜弘文館副校  
理公自丁丑置散十季輿論稱屈至是乃復八名塗  
至癸巳爲修撰校理應教者十數歷司諫院獻納爲  
司諫者四爲司憲府執義侍講院輔德者各三兼文



學者一間拜成均館司成司僕寺軍資監軍器寺正  
戊子冊世孫設講書院極簡賓僚公首膺其選兼贊  
讀己丑陞兼翊善 仁祖大王昇遐公在諫院與同  
僚諸大臣禮官承旨三司史官入參大殮 孝宗大  
王新嗣位勵精爲治公與同僚上劄陳立志取善振  
紀綱正朝廷擇人久任之道皆新政之急務也 上  
寵答之庚寅上疏乞郡銓曹以論思難之 上憐公  
愛日之誠特許之拜錦山郡守 內賜黃柑十五枚  
公歸以供親感泣作詩以詠之明季應 旨上疏條  
奏本縣弊瘼且陳納諫之道壬辰有旱災 上親祈

雨理冤獄時俞公槃久在謫所公在憲府上劄請如  
宣帝用夏侯勝故事癸巳 上命玉堂取大學衍義  
崇敬畏上下卷抄爲一冊取幽風無逸作屏取周禮  
荒政十二事及說苑六正六邪漢書刺史六條別書  
以進公分寫七月篇 賜鞍馬公仍以 上所命六  
書者爲圖四幅名之曰四戒圖繕寫未上以瀛祭官  
承 命往海西旣復 命具疏投進兼陳海西松都  
民瘼 上答曰嘉爾愛君之誠四幅進戒之圖非但  
作之精詳實便觀覽其令玉堂製簇以進仍 賜虎  
皮一領他日八侍 上面加獎歎曰四圖張諸座右



明齋遺稿 卷二十一  
常欲見之矣未幾擢拜同副承旨移兵曹參知甲午  
歷拜工曹參議晉州牧使戶曹參議晉州以親齋不  
赴是季秋丁內憂服闋除延安府使公自居憂已以  
毀敗黽勉赴任明年丁酉公季六十有二矣爲迎北  
使扶病至平山站忽慨然題詩有魯連蹈海元亮歸  
田之語卽留書謝方伯不辭而歸方伯見書 啓罷  
還京疾益甚以五月四日終于鄉校洞寓第八月葬  
于廣州長旨里先塋後麓午向之原公爲人和厚恬  
靜中有執守口不出鄙俚之說手不執博奕之具至  
於紛華聲色尤泊如也公以少孤不及養爲至痛每

值諱日哀痛如初事母夫人先意承順未嘗有違母  
夫人善病少有不安節輒憂形於色嘗患驚悸之證  
公親調藥物者凡十四月未嘗少怠間則虔禱于山  
川終致誠感公之二弟皆早歿諸孤皆幼公教訓撫  
育恩義並至姪女三人皆擇配嫁之內外親戚吉凶  
慶弔常如不及尤致謹於奉先之儀饌品一依擊蒙  
要訣以少妹爲親之所鍾愛也及析貲特多其分其  
除喪還京也借寓廬屋子女咸集公曰吾昔奉親所  
在挾隘今日親不在矣雖欲侍奉其可得乎因泣下  
蓋其至性如此其居官恪勤職務公退則怡愉親側



明齋遺稿 卷二十六  
訓誨諸子而已未嘗事交遊以要時譽當賊臣自點  
用事一不造其門點惡之削公中書之薦人多勸見  
而公終不應居經幄前後十餘季善於講說多所啓  
沃筵臣例臨講預習當講之書一日玉堂闕員公自  
家承牌詣闕及登 筵沛然無礙入侍諸臣咸歎其  
敏其爲邑也存心民事輒有所濟清儉自律一節不  
渝罷歸之日唯以書冊相隨末季常語人曰人情之  
所欲者壽富貴多男子也吾季至六十不可謂無壽  
也位居侍從不可謂不貴也有子八人亦可謂多也  
吾已有三焉可復望富乎素有退休之志及蒙臯比

之賜感戴 宸眷嘗卜居于驪江之上欲構小亭名  
以一虎而以家貧親老竟未果焉閒居必夙興夜寐  
居處有定所看書到理會處輒欣然自樂沉潛義易  
晚季味玩益淡著月卦圖說語諸子曰是余用功書  
也爲文得於經史不尚華藻唯務平實其爲章疏不  
加點改而辭理俱明教諸子必以經書爲本又必使  
先讀小學曰人之讀書豈但爲科舉而已哉人不讀  
書懵無識見汝等必以古人讀書之心爲心也又戒  
以勿入酒徒女伴之中勿談市井規利之語又嘗曰  
好論人長短妄是非政法雖忠厚之世猶且戒之况



末世輕薄之俗乎必遺憂於親招辱於身矣及遭疾謂諸子曰有生必有死此常理也但當順受其正而已又手書四勿與之皆謹身之戒也疾革子材請遺教答曰友愛兄弟敦睦親族此外復有何言嗚呼公可謂一息尚存不忘乎善者矣公再娶羅州朴氏副護軍垓之女安東權氏別坐僕之女朴夫人事姑孝寓居橫城也有賊猝起閭里擾亂夫人負姑夜行數里姑對人歎之曰吾婦質弱而能負吾遠走乃誠孝之強也舉一男二女男曰材生員仕爲宣陵參奉女適持平李伯麟進士李喜相權夫人性慈柔撫育

前夫人子女如己出舉四男三女男曰柈梯楷椽女適林宏儒李公華林檄側室子三機楷檣女二爲柳精李斗三妻內外孫十餘人楷爲拯叔父參判公婿而從先君子學才美志篤不幸早夭無子拯與楷遊故得識其諸兄因而聞公懿德甚熟參奉兄弟屬公墓誌拯以不習於文再辭不獲謹最其狀爲敘而係之以銘銘曰

嗚呼沈公愛親以誠爲子孝矣教子以義爲父慈矣事君以敬爲臣忠矣 善良以爲之質經學以爲之文清謹以終其躬 位雖未至於卿齡雖未及於耄



明齋遺稿卷三十六  
所以垂後者爲無窮 我友公子而識公德 欲銘公墓媿我辭拙

平安道觀察使金公墓誌銘

昔我 孝宗大王慨念離恥之未雪將延攬英俊共圖事功而欲得才誠兼備之士可當一面者以昇西門鎖鑰廷議以金公汝鈺應 命遂從亞卿出爲平安道觀察使未及赴銓曹復首擬公憲長 上曰委某重地不可改也陞辭 詢問設施之當先者勞勉而送之卽己亥之春也公感激 殊遇方思自效是歲五月 孝宗昇遐公哀痛朝夕望臨以至卒哭常

忽忽若無意於人世者仍感疾明季庚子解綬歸越三季壬寅六月卒于京中寓第訃 聞遣官賜祭中外咸痛惜公器用之不盡焉公字君粹其先光山入新羅末王子興光知國之將亾避地于光子孫仍家焉在高麗連八代爲平章人號其里曰平章洞文貞公策文安公良鑑文肅公周鼎忠肅公澤皆爲名臣有諱伯約入 本朝爲節度使高祖諱紀典翰曾祖諱景愚工曹佐郎有二子長諱大成 贈左承旨次諱大振是生諱友級 贈兵曹參判承旨公無子以參判公爲後是爲公之考二代之贈以公貴也參判



公世居湖南之靈光郡平居行義爲南中士林所服  
光海時嘗以鄉貢入太學爲凶徒所削籍卽歸家不  
復出 仁祖朝除 穆陵參奉以病不仕而終妣  
贈貞夫人瑞山柳氏景進之女林錦湖亨秀之外孫  
也公以 萬曆丙申生自幼穎脫不羣甫成童文藝  
蔚然八松尹公守郡爲往造亟加稱賞由是知名甲  
子中司馬其季秋繼擢大科初隸成均薦拜藝文館  
檢閱丁卯扈 駕入江都陞待教己巳由奉教陞成  
均館典籍累轉禮兵二曹郎癸酉丁內艱乙亥服闋  
拜司憲府持平是後連居臺閣間爲成均館直講兵

曹正郎 崇禎丙子北寇猝至 大駕入南漢山城  
公時在鄉聞之單騎赴 行在路被體府檄假守咸  
平公赴官招募方爲勤 王之計而 大駕已出城  
矣卽赴 闕拜持平論江都失守之罪又以掌令獨  
啓曰南漢江都事勢雖異末終名分俱未得全區別  
彼此臣未知其可也言路以不敬劾公 上批曰南  
漢事寡躬當之臺閣不可無如此議論罪公者遂止  
戊寅歷宗親府典籤遷宗簿寺正己卯遷司諫院司  
諫尋出爲礪山郡守治行大著辛巳歲饑方伯儲穀  
於羅巖使公發賑時湖西流民載路公並賑之曰莫



明齋遺稿 卷三十一  
非王民也癸未丁外憂服闋除侍講院弼善時 孝宗在春宮有冊禮畢例陞通政階丙戌出爲密陽府使踰季棄歸己丑陞嘉善差赴燕副使及歸拜黃海道觀察使 孝宗初卽位賊臣自點有罪被黜陰與虜人鄭命壽交通謀除金文正以下一隊士類以逞私憾北使六輩馳來虛喝舉國洶懼公密以折虜之策告遠接使元公斗杓命壽果驚吐舌曰誰爲畫此計者自是寢誦竟至無事蓋公之力居多而世罕知者公務去兵民宿瘼夙夜究度奏復不已 上語大臣曰聞金某多病而勞瘁如此予甚嘉之時有女吳

之役責選於諸路公不忍也 朝廷責以稽慢公馳啓曰鄉曲採薪之女難望越娥之美勢不及期請罷臣職竟坐就理禡職明年拜忠清道觀察使未幾遞拜刑曹參判壬辰拜廣州府尹有隱田五百公盡歸之度支 上嘉之特還其五百與方伯有不合意棄歸 上聞之諭諸臣曰以某之清簡忠直豈可罪田賦之少縮耶卿等孰與某相親者其以予意往諭於是戶判李公時昉刑判鄭公維城承 命來諭促其還任時人榮之甲午拜刑參者再兼同義禁乙未除判決事時自 上申命諸司推刷奴婢公兼掌忠清



明齋遺稿 卷二十六  
江原兩道按決公明民以不寃嘗曰吾於 國家事  
無所裨益至於聽訟則庶幾無枉云丁酉拜江華留  
守未久遞歸戊戌復爲判決事關西之 命則其明  
年也公機鑑精明有膽略處事明決無媿嬰熟軟之  
意自負其才常欲有所試用以展其志晚節際遇若  
將發揮於事業者而中道不濟者天也嗚呼志士千  
古之痛豈獨爲公私恨而已公性孝友參判公素多  
疾病非魚肉不飽公嘗躬漁以供與弟二人處怡怡  
和樂未嘗加以疾言忤色爲人簡易不修邊幅既貴  
猶躬執帚掃除室庭常穿木履徒行於阡陌間人遇

之不知其爲達官也蓋公生質既秀庭訓有方而夫  
人南宮氏卽牛溪先生之外孫也公委禽於坡山得  
聞師友淵源之學平生所樹立實亦有得乎此云坡  
山卽牛溪舊居也公樂之歸自關西就而築數椽於  
溪上爲休官終老之計而病竟不起矣以其季十月  
葬于古牛峯縣旺後之山申向之原南宮夫人別提  
贊之女府使悌之孫婦德純備門內咸取則焉生二  
男四女男長曰再光早卒有一男會英一女適奇挺  
奎次曰一光女長適縣監高斗紀有四男曰可翼可  
寅可彥可謙三女婿曰尹楷郭齊恆白光瑚寅及郭



進士次適士人徐文迥有五男曰宗說宗諒宗誨宗  
訥宗謙次適士人奇挺翼有四男曰湖泓濟六女婿  
曰高晃餘並幼季適士人尹拭有繼子大教會英實  
承公重生二男曰天與進士曰天賚三女皆幼會英  
記公遺事以幽堂之誌屬拯竊惟八松公即拯之祖  
考而南宮夫人於先君子爲姨姊也先君子平日每  
稱公爲南州豪傑公嘗訪先君子於墳庵戲言苦節  
不可貞先君子笑而規之拯少時侍坐而覲德焉公  
容貌不踰中人而神彩發越談論英曠使人聽之忘  
倦及公之末季又拜于坡山則新自關西歸而茅屋

蕭然被服如寒素竊獨歎息以爲公之清儉一節亦  
可以激勵衰俗嗚呼世不可復見斯人矣今於墓道  
之役唯事偉而詞拙是懼其何敢辭敬爲之銘曰  
凡陽必剛剛必明聖人以象君子德 公惟有之植  
平生登庸內外茂聲績 君王有事急豪英暮年杖  
節殿西服 功名未立時運傾春秋大義終晦塞  
宰如之丘四尺崇有欲知公視此刻

刑曹參議李公墓誌銘

並序

公諱後天字悠也姓李氏龍仁人鼻祖諱吉卷高麗  
太師世襲簪組九代祖諱伯持入 本朝官至觀察



使以清白被選曾祖諱蓋忠兵曹正郎 贈直提學  
祖諱啓仁生員 贈左承旨考諱士慶大司諫 贈  
吏曹參判妣貞夫人昌寧成氏郡守希益之女公以  
萬曆戊子十月四日生幼有器度及長蔭補掌苑署  
別提轉通禮院引儀遷刑曹佐郎出爲龍岡縣令邑  
多豪右民多投庇逃役而爲本路兵使者武斷尤甚  
公不少饒根括無遺未幾被遞戊午登第歷戶曹佐  
郎成均館直講侍講院司書三拜司憲府持平不就  
外補平壤庶尹還爲司憲府掌令時光海末年也公  
不欲出及出劾金崙林捷掌試行私請罷其榜至有

狗彘不食其餘等語其黨聞之大懼欲先狙擊公未  
及崙捷皆爾瞻鷹犬且有奧援事雖不行而公議快  
之鄭公廣成適與參判公爲僚銀臺見公來啓喜謂  
參判公曰令公有子矣後慕用公甚厚到老不衰已  
而庭請廢 母之議作公前知之引病免坐是不復  
入臺遷宗簿寺正辛酉丁參判公憂 仁祖二季甲  
子除軍器寺僉正時椴島鎮將毛文龍稱六鎮藩胡  
爲建奴別部欲勦捕以要功遣游擊時可達領兵五  
千由薛罕嶺入北道 朝廷憂之而不能止於是籌  
司薦公爲游擊接伴蓋以才譖舉而亦人所憚行也



公至軍前臨機策應動中事宜終使之中道回軍北路得以無事計秘不傳然知之者以爲公應卒之才古人不能過云還拜軍器寺正擬考官爲言路所格公之枳仕途始此公無幾微色求出爲南原府使遞還內膳寺正復出爲大同察訪丁卯虜寇至方伯尹暄以平壤西城當賊衝以公爲西城大將委以一面公親徇部曲晝夜不懈士卒皆感激思死城潰赴江都行在移拜仁川府使亾何棄歸邑人老幼環擁有卧轍故事還濟用監正又求出歷平海郡守綾州牧使入爲通禮院相禮甲戌承重祖妣喪服除拜禮

賓寺正尋除蔚山府使節縮冗費以其羸置恤民庫凡徭賦皆自辦不以煩民一境翕然適繡衣者曾欲納交於公公薄其爲人不許固有嗾及公又與清陰金文正尚憲連姻則其人曾爲文正所劾尤恨之遂肆構誣公就理對簿命本道查究卒無事實而竟至罷職人皆稱其枉丙戌復歷宗簿濟用禮賓軍器諸寺正出爲海州牧使己丑遭內艱時公年踰六十而廬墓三季制畢拜宗廟署令改相禮時顯宗在春宮銓曹屢擬公兩司未及遷而冊封禮成以例陞通政又出爲安東府使巡撫御史以治績聞褒賜表



裏秩滿入拜刑曹參議又出爲永興府使丁酉遞歸自是家居非親故慶弔未嘗出與里中七麥者四人結社名之曰五七契分日選勝以娛晚景子姪同時典三邑滄瀛致養孫曾成行迭侍杖屨世皆以福祿歸之辛丑九月九日考終于終南之第壽七十有四公之在永嘉也夢作秋官而乘化覺而語子弟蓋十季而驗人異之十二月葬于楊州治東時雨時甲向之原公爲人謹厚篤實內行尤備次第早幼有遺腹子河岳公視之一如己出教誨而衣食之以至成就河岳既長仕宦事公誠禮備至人兩賢之公卒後諸

子體公志其析著也與之同之母夫人季高與弟畱守公迭奉專城之養凡可以順適志意者靡不用其極與畱守公友愛甚至雖俱至耆耄非有事故未嘗一日不相就推而待宗族情意周洽無論遠近戚踈歸之如家戴之如親眷顧外黨咸得歡心接人遇物壹於和易其在郡邑常曰寧獲譴於有司不忍薄於親故有所需索隨其緩急而應之不倦居家教訓子弟常以爲善睦族爲第一義畱守公名後山嘗曰吾伯氏厚德篤行加於人數等人以爲非兄弟之私言云性又勤儉不喜浮誇居第服用無華靡之飾嘗戒



明齋遺稿卷之二十六  
子孫曰吾死殮勿用錦段葬勿用外棺祭勿用油蜜  
果其平日自救可見於此焉公才猷通贍遇事游刃  
前後累典劇郡鉅邑而其區畫施設之方動非常情  
俗慮所能及治行常爲一路最顧其一踏而不振竟  
不能大有展布世莫不惜之蓋公雖出身於昏亂之  
際官居臺閣者三四而以榮宦爲恥輒逡巡引避其  
出仕僅以日計參判公亦不樂於仕居外常多以此  
爲凶徒所甚嫉至欲擬公航海之役以危之雖凶論  
日熾脅毆一世而卒無一事累公父子名俱爲亂世  
完入不幸真訛混傳齒舌橫加未免蹇連於明時公

亦一以委命斂口不自雪其後姜相碩期李相敬輿  
同在史局閱其時日知公實迹之無他相與歎賞曰  
吾儕曾未之悉也金文正亦曰吾向也謬聞於人使  
斯人至此甚恨蓋前日考官之事出於文正故其言  
如此云於是公議累欲復置清班而公反不肯曰吾  
半生抹殺無復怨尤到今白首之季安能追逐季少  
輩苟入名途耶故每入輒求出蓋不專爲優養也及  
歸自蔚山九季處散而公會不以榮辱爲喜慍獨嘗  
病世之爲黨論者曰交友當觀其賢否而已臨事唯  
審其是非而已至於得喪則別有命焉尤以趨舍進



取為士夫羞恥事雖平生故舊若居要路則罕與之  
還往焉當 仁祖朝 章陵追崇之論為朝廷大是  
非主論者將物色而排置臺閣使人揆公意公正色  
拒之國典文臣試射三度居魁例陞秩公武藝絕倫  
而每當射輒退讓未嘗盡其才此皆公却步於進塗  
之一端也人又以知公之有量有守非他人之所可  
及焉夫人驪州李氏左贊成尚毅之女先卒享年四  
十葬八谷之山距公墓五里而近舉二男一女男長  
曰峻岳次曰挺岳俱歷州郡長今為漢城庶尹次新  
遞延安府使以公命出後季父女適金萬雄側室三

男方岳冠岳勛岳四女為進士尹世蕃武科許昇李  
善揆鄭應祥妻庶尹二男世亨縣監世貞二女婿李  
萬亨李延普進士世亨三男三女曰宜昌宜璋鄭受  
先申鉞餘幼世貞二男曰宜大宜最一女幼李萬亨  
一男二女幼延安四男曰世膺參奉世白文科縣監  
世晟生員世勉二女婿權斗章金夏英世膺二男二  
女曰宜振趙鎮恆餘幼世白一男五女曰權尚明洪  
德普尹溥餘幼世晟二男一女世勉一男二女權二  
女金二男皆幼金萬雄有一女適柳珪生二男重蕃  
重衍方岳三男一女世範餘幼勛岳三男幼尹世蕃



男寅明進士許李鄭男女皆幼內外曾玄七十餘人  
嗚呼拯於公爲通家後生也嘗一拜牀下蒙賜款款  
至今不敢忘拯之外祖上庠李公高才早世少時公  
與之友甚篤庶尹公又與我先君子同庚爲童穉交  
以公墓誌命拯安敢以不文辭謹序次如右而係之  
以銘銘曰

維德之豐而位不崇 維才之長而用不彰 遭昏  
不磷際明猶屯 若屈若伸孰匪數存 斂其餘社  
後人是遺 勤儉之風睦嫻之行 教成于躬以永  
家聲 時雨之岡衣冠所藏 納銘幽堂以告無疆

楊州牧使 贈兵曹參判閔公墓誌銘

公諱晉亮字明允姓閔氏驪興人高麗平章事文敬  
公令謨之後高祖諱起文副提學爲乙巳名人曾祖  
諱洳 贈兵曹參判祖諱有孚戶曹正郎 贈左贊  
成考諱聖徽戶曹判書 贈領議政諡肅敏號稱能  
臣妣李氏 贈判書義貞之女公以 萬曆壬寅五  
月生十一歲丁內艱能致哀如禮及長工詩有聲  
仁祖乙亥中進士一等丙子除 穆陵參奉戊寅除  
麒麟察訪歷宗薄寺直長遷義禁府都事癸未爲石  
城縣監丙戌盜起傍縣公追捕有勞陞秩通政時賊



徒多出恩津連尼三縣之間朝廷遂革爲一邑號曰  
恩山而移公以鎮之以公有盤錯之才也明季肅敏  
公卒于燕公千里奔喪幾至滅性服闋拜成川府使  
虜使鄭命壽者因事欲辱公公不爲屈命壽竟不敢  
加以無禮有一吏因公事出外不還忽潦漲得尸人  
莫知其故蓋其妻與人有奸陰賊之公究得其情捕  
致于法一境稱神明甲午拜南陽府使乙未拜坡州  
牧使新紫雲祠廟以勸後學庚子拜泰安郡守盡心  
賑饑公前在成川繡衣上治蹟受表裏之 賜至是  
御史李公敏迪又襄啓 命加嘉善資旋格不行入

爲公稱屈歷楊州牧使載寧郡守間除竹山南原鳳  
山辭疾不赴庚戌由僉知出爲韓山郡守遭繼妣黃  
氏喪公時季已七十矣猶執制不懈以辛亥十二月  
四日終於廬次返葬于平山水月山肅敏公墓西未  
向之原以長子曾經二品例 贈兵曹參判兼同知  
義禁府事公爲人剛稜好氣槩性又真率不修邊幅  
事繼妣誠孝篤至其侍疾有庾黔婁之行撫愛同氣  
無間貴賤因心之友人不可及鄉莊有一妖巫壽張  
禍福以怵誘人公杖其婢爲主者焚其像設聞者快  
之其正直不惑類此居官明斷有威清淡無營所至



明齋遺稿 卷三十六  
皆有去思碑冰蘖之操始終一節歷典大邑田宅無所增每遞歸行裝如洗至於急人之窮則高義拔俗使人聳聽嗜好唐人詩雖在簿領間不廢吟哦常自號九拙晚構草堂先壠下扁以爛柯爲詩以詠之其雅志可見公初娶全州李氏判書溟之女不育墓在驪州後娶杞溪俞氏僉正大備之女與公同塋俱贈貞夫人二男長曰周冕先公卒官止府尹次日周鼎有美質亦早歿側室二男周鏡周璜一女適尹指府尹無子以再從况周範之子致雍爲後而天有一男承公祀公與我堂叔龍西公爲莫逆交而於先君

子有懸榻之好又遣子師之以此拯亦自少受知而平生慕用周鏡來屬幽堂之誌不能辭謹叙而銘之  
銘曰

於乎閔公古人之風 才如利器貌若勁松 赫赫外庸肫肫內行 遐不受祉以衍子姓 我懷公德而不可讓 銘以示後媿余不文

廣州府尹閔公墓誌銘

驪興閔公周冕字章五牧使諱晉亮之子戶曹判書肅敏公諱聖徽之孫也妣杞溪俞氏僉正大備之女公幼聰悟記誦過人肅敏公常曰此兒將大吾門弱



明齋遺稿 卷三十一  
冠登上庠廿五擢魁科牧使公有高才竟未大闡人  
以爲伸屈之報也初由成均館典籍歷工禮兵三曹  
佐郎出爲黃海都事又由兵曹正郎成均館直講除  
長興縣監剗革積弊威制豪猾甚有聲績入爲兵郎  
又出忠洪都事蓋公天資坦率不能趨時俯仰故釋  
褐數歲連得外注己亥始拜侍講院司書歷司諫院  
正言司憲府持平遷仁川府使邑有紫燕島 朝廷  
視爲保障地公繕治器械多有設施還朝再爲司憲  
府掌令丁內憂服闋又拜掌令遞除利川府使尋陞  
通政拜吉州牧使未赴用備局薦移授廣州府尹公

既以才諳受重寄思有以報效殫心撫恤咸得軍民  
之心而以守法不撓不能久於職而去久之拜承政  
院同副承旨陞右副遞移掌隸院判決事復由銀臺  
出爲慶州府尹慶之水土不佳人或勸公毋行公笑  
曰以我爲學巧宦者耶况分義所在何敢擇燥濕乎  
慶素號大府加以歲累不登吏民凋瘵公剗剔煩穰  
惠鮮窮弱又疏決獄訟之淹滯者四境稱頌公以故  
都忠孝節義士謠民風多有可述者而文獻不足將  
未免泯滅遂裒集採訪纂東京志三卷庚戌夏罷歸  
以是年十二月六日病卒于京第得年僅四十有二



明齋遺稿 卷三十六  
人皆痛惜之葬于平山先塋丙向之原肅敏公墓西  
麓也公有至行母俞夫人病嘗泄以驗吉凶遭喪廬  
于墓下晨夕上墓不以風雨而廢焉家居好施不事  
生產親屬之窮乏者必罄橐而賑之性且廉儉所至  
州府一遵繩墨嘗謂夫人曰我以官事爲心勿以家  
事累我也未嘗以私干人亦不受人之私然見鄉曲  
無勢遭橫逆不能自理者則必憤發救濟而後已蓋  
其惇孝友尚氣義不修邊幅似牧使公遇事果決無  
所留難似肅敏公又濟之以仁厚有識期以遠大而  
位與壽俱止於斯吁其命也夫夫人全州李氏觀察

使時萬之女賢有婦道不育取再從兄周範子致雍  
爲後公歿之明季致雍又天有一子曰某公之庶弟  
周鏡以公兩世墓誌來請拯於牧使公以事契之厚  
慕用之深既忘拙而爲之銘於公又何敢辭銘曰  
士患無才才患不達 既才既達如穎斯脫 乃如  
之人方遂而闕 嗟哉司命孰與孰奪 張杜之裔  
亦且蕃昌 後嗣斷續云何不祥 我書公事納于  
幽堂 惟可傳者庶乎不亾

叔父庶尹府君墓誌 辛酉

府君諱商舉字汝任姓尹氏坡平人始祖諱莘達高



麗太師九世祖昭靖公諱坤始八 我朝高祖諱先  
智兵馬節度使曾祖諱暉 贈左承旨祖諱昌世  
贈吏曹參判考諱煌大司諫號八松妣昌寧成氏牛  
溪先生之女也府君以 萬曆癸卯某月某日生纔  
學語已誦詩琅然見者嘖嘖歎賞稍長受學于舅氏  
滄浪翁成公文濬得聞大意 天啓丁卯陪八松公  
扈 駕江都駕還朝廷錄用儒生之從難者除 孝  
陵參奉陞奉事而遞 崇禎癸酉參進士丁丑八松  
公坐斥和被譴府君不復赴舉戊寅復長興庫奉事  
亦不赴己卯八松公捐世府君與諸兄弟守廬墓下

以終三季仍居畎畝力田自給如是者十年戊子丁  
成夫人憂居廬如前喪辛卯除 獻陵參奉卽 孝  
宗大王二季也時去丙子之亂十有六季矣士之晦  
身守志者稍稍就仕府君亦黽勉拜 命未幾移  
世子翊衛司洗馬尋陞侍直副率癸巳陞衛率出補  
龍潭縣令明季罷歸時叔氏參判府君寓居石城之  
甌山府君就居焉朝夕聯牀怡怡如也居數載拜戶  
曹佐郎還朝陞正郎清慎奉公前後三年如一日除  
沃川郡守爲本曹長官啓畱己而出爲白川郡守府  
君歎曰旣己食祿安避燥濕遂赴任踰季遞歸久之



調鴻山縣監縣有金東峯時習祠藏其像而祀之府君以爲東峯之心儒迹佛已有先正之品題獨其小像削髮垂珠爲頭陀之形者非所以揭虔於儒林也既取其儒之心則安用此佛之迹也於是易以木主妥侑如禮士論躋之秩滿歸于石城明季有疾就醫京口復漢城府庶尹不能供職竟以戊申正月九日卒于城西寓第壽六十有六返葬于公州治南蘆谷之山卯向之原東望尼山先塋十里而近云府君性仁慈恭儉平居終日修飭未嘗放慢居官尤勤謹視官事如家事一時不敢暇逸一毫不敢妄費至於奉

先之儀存問親戚知舊必竭其誠力其自奉則食無兼味服用無華新之物每遞官歸其居貧依舊府君詞筆早成行業蔚然弱冠已出流輩上斯文先達咸以華顯期之既不幸遇世變早謝公車業晚季就祿仕浮沉冗散以終嗚呼豈非命也令人韓山李氏察訪敬培之女甚有婦德府君伯姊李大家號女士嘗稱之曰告之以闕失而喜受之者唯見此人也有一女一男而先卒壽五十葬先山之側及府君之葬移柩於後令人廣州安氏學生瑱之女有一女一男長男播進士筮仕爲齋郎娶縣監李光翼女生二男二



女少男擴娶佐郎李萬東女生一女長女婿金宙一  
進士生三男一女次李慶萬教官生二男一女次崔  
載翁進士生二男一女季金信瑞生一男二女拯之  
先君即府君之季弟也小子自省事以來竊觀於府  
君持身接物處家居官之節當時視以爲平常者既  
犬馬齒長而見人之鮮克然後始知其無非可以爲  
後生法式然不能悉書謹略記梗槩納諸幽堂以爲  
誌

淑人申氏墓誌銘

淑人平山申氏故通政大夫公州牧使李公時顯之

配也其考曰愴生員其祖曰海壽其曾祖曰勳郡守  
其高祖曰誠美己卯翰林遵美之弟也其妣曰慶州  
金氏得慶之女淑人以天啓壬戌十二月十五日  
生季十八歸于牧使公牧使慶州人白沙文忠公恆  
福之孫府使星男之子也有一男三女男曰世龜進  
士生男光佐女長適朴成美次適申璫次適南鶴鳴  
皆士人後壬戌二月二十日淑人終牧使先四季戊  
午卒葬于鴻山縣海岸鄉竹節洞坐子之原至是將  
祔葬于其左世龜泣狀淑人行事以書請誌於拯其  
狀曰先妣天資簡精貞淑而動容接物之際安詳端



質其平居言笑不聞於墻廡命令不出於閨閫其於世俗紛華恚爭之習漠然若無聞也始歸李氏族大姊姒多敬順畏謹上下內外一無違言皇姑金夫人性素嚴嘗命典祀饗之具有妾御竊去而以先妣私用告先妣默而受過終不自辨後奸露而事白金夫人亟稱之先君少落拓不顧家人產業晚而筮仕官食十數季亦累典雄州先妣育窮無怨色後亦不以文駟自榮被服玩好無侈於舊又未嘗以苞苴請託累先君之政也先君之喪先妣隨世龜廬于墓下旅泊窮鄉孤寡相依銜哀茹苦以終三季服闋歸于京

第猶以未亾自處衣食之奉有非老病所堪諸子累請改之而終不變祭祀必誠以嚴躬致精潔每當祭日坐而達曙嘗儲果品以備祭需姻家有燕饗請貸之不許曰祭祀所用不能私乞也始先君奉祀祧主嘗採古今禮書著祭式圖說未及行而歿世龜承先志一以祭式從事始備內外官家中勗見多齟齬不悅先妣斷然從之親監於酒壺之北卒以如儀祭品視俗之舊頗簡心以爲不安而猶屈意從禮其達於大體而無所自遂也類此初感微疾已自知不起二女來寧而歸語之曰恐倉卒不能有言婦德以柔順



為貞敬慎爾儀無違夫子命疾革世龜泣請所欲言  
顧曰先大夫之喪不得備品服殮我勿用錦段且戒  
以勿滅性勿廬墓臨歿神氣不少爽嗚呼以先妣淑  
德懿行宜享胡福而壽止於周甲先君官階下大夫  
而晚季不樂在內供仕以故不及受封牒其命也歟  
拯既受而三復不覺感涕曰婦人之美非誅不章幸  
哉有子如此哉雖欲以不文辭惡可以無從也謹為  
之叙次椁槩而繼以銘銘曰  
易稱恆貞傳言柔正 我觀淑人庶幾此行 有樂  
斯丘從其君子 銘以告後且慰孝嗣

宗簿寺正姜公墓誌銘

壬戌

公諱時徹字警吾姜氏本晉陽之望也文良公希孟  
有子鶴孫官司評以事謫靈光子孫因居焉曰欣壽  
司評之子也繕工監役曰革副司正曰克文副護軍  
是為公高曾及祖而考諱淳養靜丘園鄉稱長德妣  
完山李氏忠義衛景鍾之女以婦德稱於九族 萬  
曆壬子公生焉未十歲已涉經史能屬文及長與伯  
仲並有聲場屋間戊子升上庠壬辰擢文科初隸成  
均館從學諭學錄學正調保安察訪秩滿而歸己亥  
丁內艱時公赴 國葬歸路聞訃以此平生銜恤外



明齋遺稿卷三十六  
除猶家居癸卯春始陞成均館典籍遷禮曹佐郎秋  
陞其曹正郎薦入兵曹爲佐郎甲辰出知固城縣尋  
有不樂棄歸乙巳赴北青判官賑饑民崇儒學丁未  
拜司諫院正言會大臣白北路荐饑良吏不可易  
命仍舊任己酉冬遞歸辛亥春除海運判官漕卒懷  
其惠冬拜司憲府持平壬子陞拜掌令者再皆辭不  
就疏陳時弊癸丑秋還正言時諫官有言事忤旨  
者公繼其後不避 天威獨申其論遞拜湖西災傷  
敬差官歸朝除平安都事辭以病甲寅春還鄉家有  
退休之志欲結道津江舍取金慕齋恩休之扁扁之

以爲終老之所冬聚宗族之居於同郡者序昭穆勉  
敦睦盡歡而罷名之曰宗會錄親爲記之是後歲以  
爲常乙卯夏除慶尙都事不就己未冬設社倉倣退  
溪先生鄉約合鄉人使季少子弟讀而教之壬戌夏  
陞拜宗簿寺正兼春秋館編修官自以老病不復爲  
還朝計秋集一郡章甫於蕭寺執經講義揭題試才  
一方傳以爲美事十月十三日忽若有外感有頃而  
終壽七十有一公爲人恬雅內行慈詳方其親在堂  
兄弟無故也每定省外相聚一堂未嘗歸私室如小  
學所稱者嘗令畫者畫其鴈行起居萱堂之儀以飭



釋昧族姪咸陽郡守弼周序之曰孝悌圖云自家食  
之後飭子弟勿以家人生產關我幅巾淡衣靜坐一  
室左右圖書而已喜揚人善而不言人過惡郡中自  
前部黨交軋互相仇敵而公獨超然不染於其間及  
其歿也遠邇無有怨議者公初娶某郡鄭氏通德郎  
廣紳之女後娶某郡柳氏汴之女俱爲淑人男曰冕  
周女適金洵鄭出也曰德周道周柳出也又男曰有  
周值周女爲邊脩妾白夢尼妻庶出也冕周三男彥  
琮彥琦彥璋而琮又生二男金洵四男四女德周有  
周俱一男而道周先公天餘內外孫幼不盡載諸孤

等將以是季臘月某日葬公于某山乾坐之原使公  
之兄孫夏容請誌于拯竊惟我仲父童土府君少受  
業於睡隱公睡隱即公之族父也公之族兄督郵公  
與吾先人爲同季進士情好益深公又嘗勤訪於衡  
門而申之以札翰其義有不容以不文辭者謹爲之  
最其狀而銘之銘曰

姜來于靈餘二百年 克世其家文行相傳 公又  
晚出將多于前 績文取科如芥斯拾 暨登清班  
何曾汲汲 未老休官自有樹立 優游桑梓怡我  
暮景 宗族以懷鄉黨以敬 無疾觀化是謂正命



日齋遺稿卷二十六  
繫有餘慶子孫振振 尚其嗣事益引以伸 銘  
茲幽墟用告後人

知中樞府事成公墓誌銘

公諱櫻字子喬姓昌寧成氏思肅公諱世純之玄孫  
文貞公聽松先生之曾孫文簡公牛溪先生之孫也  
考諱文濬號滄浪妣咸安趙氏主簿堪之女白忠肅  
公仁傑之外孫公以 萬曆丙戌十二月廿七日生  
在胞至暮未晬能言人異之少長容儀頎碩性氣和  
厚事親從兄怡怡翼翼餘力治舉子業詞筆俱美自  
壬寅羣小誣牛溪奪官不復就試年踰強仕始蔭補

四山監役例陞內資主簿遷奉化縣監奉板輿榮養  
一日度支符縣徵雪綿數衡公曰此非民恆畜急索  
於民民將破產即以家繭之舊治者應之民頌其惠  
當甲戌量田公謂均田使曰峽田皆五六等若欲必  
陞將害流永世惡在仁政之自經界始也使不能強  
及訖耄艾歌詠丙子之亂領邑兵赴陣未至軍而見  
遞公奉母夫人避兵于太白山下難定仍寓居嶺表  
尋叙復安奇察訪壬午丁內艱奉柩還坡山同伯氏  
居廬三季服闋除砥平縣監不就已拜翊衛司司禦  
陞翊衛又出守楊根郡方伯以廉謹褒聞壬辰爲安



明齋遺稿卷二十六  
山郡守以聽訟不阿按使意見黜趙文孝公以書唁之曰歸去田園在君何恨只以世道爲慨耳己而敘還翊衛 顯宗卽位衛司罷歸者累年壬寅除社稷署令甲辰遷繕工監僉正乙巳以八耄陞通政三爲僉知中樞庚戌冬拜敦寧府都正明年辛亥有優老 恩又陞嘉善進本府同知事乞暇焚黃乙卯春筵臣白 上曰成某卽先正臣某親孫年又九十宜施特恩 命陞資憲拜知中樞府事推 恩考妣公入闕肅 恩步履不愆聞者傳以爲稀事旣而謂家人曰余位崇齒尊微分已過盍反身松楸以畢吾命

丙辰遂決歸于坡山丁巳夏復拜知樞呈病遞戊午春又加正憲筵臣又有白 上如乙卯者超陞崇政階退居田里者四五載不收俸廩亦 異數也嘗作一絕其詩曰百歲今將至朝廷記祿科安閒遊壽域偏感 聖恩多此乃絕筆也庚申夏復拜知樞上疏辭 優批不許上狀遞是歲十一月廿三日考終于溪上之正寢壽九十有五計聞宗伯奏蔭至崇班者弔祭不舉而成某累擬判府事宜有 恩典 上曰近例雖然此則季近百歲且爲一品弔賻等事特爲舉行於是官致賻祭如禮明季辛酉正月干支葬于



坡州治北鹿門里長浦上負卵之原西距向陽文簡公墓十里而遙公爲人誠信無修飾未嘗有疾言遽色居家孝友勤儉好書飭行老而不怠接人一一以悃悞其仁心之發至於雞豚之畜於家者聞聲則不忍食居官以清約敬謹爲本如聖廟釋奠必躬潔粢盛朔望望闕之禮亦身親炷香歸自奉化也有所獲一虎皮歸之公簿曰此毛皮之貨者不可居也筮仕五十年歷中外官二十餘而田廬無數椽一畝之置者常自勵曰不污我清白傳家之風粗效吾涓埃報國之悃足矣晚季壽考康寧視聽不衰或賦詩遣懷或

植杖理圃優游以自娛作大字筆力愈健人家多受屏簇在京與李參議有謙朴正濠諸人爲同庚會諸賢酬唱以擬洛社及歸鄉鄉中章甫各出宴需稱觴上壽一時皆尊仰之自號曰梅邊鼎翁有詩集若干卷藏于家公初娶清風金氏大司成湜之曾孫 贈左贊成斐之女稱淑哲未育而歿葬積城縣白雲里後娶咸悅南宮氏苻之女府使悌之孫亦以庚寅三月九日先公卒享年六十葬與公同塋俱 贈貞敬夫人南宮夫人婦道甚備滄浪公常謂新婦之德足以昌大我門闈寔生四男三女男長曰熙績官止司



日齊通和 卷三十六  
議次熙胃郡守以公命爲世父僉正公後次熙緝亦  
出後於仲父別坐公季熙命女長適都事裴幼華次  
適護軍洪爾遠季適進士金龍瑞節行聞於世公有  
側室一男熙夏二女婿曰徐漢民梁溪孫男至善至  
和至行至敏至憲至泰至重至厚至仁至健至遜至  
順至信至愚善實承重以學行薦陞六品行敏皆參  
奉重武科曾孫男孝錫順錫壽錫顯錫永錫仁錫義  
錫餘幼孝錫進士而及公在生男抱玄孫內外孫曾  
總九十餘人多不盡載拯之先君子公外弟也常稱  
曰成氏世德而罕有上壽又牛溪滄浪二先生皆無

兄弟公之伯仲又無嗣至公方多子孫而到遐齡蓋  
善慶之所鍾也每爲之感歎焉小子仍竊思之善慶  
固有所鍾矣然苟非公之厚德安能承膺而享用之  
如此之盛哉熙胃氏使至善狀公行命拯誌幽堂不  
敢以不文辭謹爲銘銘曰

仁是善長壽乃福首 先聖有言仁者必壽 木訥  
資近寡慾心存 守一抱和終我天年 人貴公壽  
我歆公仁 生爲三達歿有餘祥 振振子姓式昌  
以臧 有樂斯丘格人所徵 衣冠是藏千載永寧

叔父進士公墓誌

丙寅



我叔父諱時舉字道可我坡平尹氏以高麗太師諱莘達爲始祖二十三世而至我祖考大司諫府君諱煌我叔父卽我祖考之庶季子也母李氏叔父生於天啓辛酉某月某日幼負氣不羈不肯入矩度稍長屈首讀馬遷書學爲文章馳騁泛濫下筆滔滔顧不得意於場屋季四十始登上庠對策常居上游而殿試輒見絀常自笑曰人固隄吾輩而天亦爾耶卜築於龍山江上扁以藏六歲己未忽捲家南歸維鳩山中爲數椽屋雖茅茨柴樊而井井整飭中開菜畦藥畹手自鋤治引泉爲沼無非可玩杖屨蕭然若有自

適其趣而不知世間之有得喪榮辱也壽六十四終於甲子九月十五日以某月某日葬于家後山某向之原蓋叔父嘗語諸子曰生於是乎居死於是乎藏慎勿爲術者所惑以求福利也其達觀脫俗類此叔父初娶驪興閔氏無子早逝後娶韓山李氏縣令榮義之女生三男六女男長曰抗仲曰捷季曰挺女婿長曰金壽稱次某次某其下未行抗二女挺二男金二男六女嗚呼我叔父濡染於家庭者孝悌勤儉之風也稟得乎天賦者俊達綜理之才也若不局於國典而有所施用則豈不傑然有名於當世乃湛淹以



明齋先生遺稿卷之三十六  
歿其身古人所謂才否一區之死無聲者豈不可慨也哉我叔父愛余甚至病劇時往候之時余以妄言見斥於時謂曰子名過其實宜其及也今日事可贊不足歎也噫如此曠識何處得來抗等俾余誌墓謹略敘始終如右云

明齋先生遺稿卷之三十六



